

Samuelnê Buku Kêtu Luagêcya

Samuelnê Buku Kêtu Luagêcya gêjac têku min, tañ kêsêp buku namataña. Dawid kêtu kiñ ma gêjam gôliñ gamêñ Judaña gêmuy (môkêlatu 1-4) e kêtu lau Israel samob nêñ kiñ (môkêlatu 5-24). Dawid gêjac siñ gêdêñ nê ñacjo gebe êngôm nê gamêñ kiñña esewec. Ênê ñacjo ñamakeñ sêmoa lau Israel ñalêlôm, ñamakeñ sêmoa gamêñ ñamagêña. Buku tonec gêjac miñ Dawidnê siñ tonañ ñabiñ, mago buku tau gêwa Dawidnê biñ ñagêdô sa gêwiñ. Eñ ñac gêdêñ, tañ kêkêñ gêwiñ Anôtô ma gêjam sakini en tonê ñalêlôm samucgen. Nê lau têtac gêwiñ en ma tetoc en sa. Mago buku tonec gêsan Dawidnê biñ, tañ kêlênsôñ to kêkêñ wapac en nañ, auc atom amboac tonanjen Kêsêp ñasawa en têtac ñandan to têtac ñakalac ma ketoc tau sa. Tagen gêdêñ tañ Anôtônê propete Natan kêtôc ênê sec gêdêñ en nañ, en geoc nê keso lasê ma kêsô Apômtaunê mêtôc ñalabu.

Lau Israel sê taên ênê lêñ to kôm ñanô e kêtu ñamu gêdêñ tañ gêñwapac kêkônin êsêac nañ, êsêac sêkêñ maten kiñ ten, tañ êsa anga Dawidnê gôlôacnên ma êtôm en tau. Êsêac taên kêka Dawidnê latu ten.

Dawid gêñô Saul gêmac êndu ñawae

¹ Saul gêmac êndu su ma Dawid kêku lau Amalek tulu. En gêmu gêmên mêngeñoa Siklag bêc luagêc.
² Ma gêdêñ bêc kêtu télêacña ñac ten mêngeño lasê anga Saulnê siñwaga nêñ tonê ñakwê gêñgic ma kekop gi en môkêapac. Gêdêñ tañ en gêñ lasê gêdêñ

Dawid nan, nac tau gêu tau gêc nom ma ketoc en sa. ³ Dawid kêtû kênac en gebe “Gômôên anga ondoc.” Tec en gêjô ênê biñ gebe “Aê gaêc anga Israelnên sinwaga nêñ, tec gamên.” ⁴ Ma Dawid kêsôm gêdên en gebe “Biñ amboac ondoc. Ôsômman.” Ma en kêsôm gêdên Dawid gebe “Sinwaga sêc su anga sinmala ma nacjo sêjac taêsam êndu. Saul agêc latu Jonatan sêmac êndu amboac tonanjen.” ⁵ Go Dawid kêtû kênac nac matak tau, tan kêkôc nawae gêmên nan gebe “Saul agêc Jonatan sêmac êndu nawae kêtap aôm sa nalên amboac ondoc.” ⁶ Nac matak gêjô ênê biñ gebe “Aê tauc gamoa lôc Gilboa gamoa ma galic Saul gesen gun tau tôñ na nê kêm kêkô ma nacjonên kareta to lau, tan sêngôn hos naô nan, sêkapiñ en sa. ⁷ Gêdên tan en kêkac tau ôkwi nan, gêlic aê ma gêmôêc aê. Aê gajô en awa gebe ‘Aê tec gamoa.’ ⁸ En kêtû kênac aê gebe ‘Aôm asa.’ Ma aê gajô en awa gebe ‘Aê nac Amalek ten.’ ⁹ Go en kêsôm gêdên aê gebe ‘Ômôên ma ônac aê êndu. Matocanô kêtû talô su, tagen matoc jali gamoa.’ ¹⁰ Amboac tonan aê katu gasuc en jagajac en tomatêgen gebe aê kajala gebe en oc êmoa atom. Go aê kakôc sunsun kiñna su anga môkêapac ma joc anga lêmadambê tec kajon gadên aôm, noc apômtau gamên.”

¹¹ Go Dawid lêma kêsêp nê nakwê ma kêkac gêngic ma lau samob, tan sêmoa sêwiñ en nan, sêgôm amboac tonanjen. ¹² Ma sêpuc tanjiboa sa ma têtan to sêjam dabun mo e oc jakêsêp kêtû Saul agêc nê latu Jonatan ma Apômtaunê lau Israel, tan sin gesen êsêc su nanña. ¹³ Ma Dawid kêsôm gêdên nac matak, tan kêkôc nawae gêmên nan gebe “Aôm

anğa ondoc.” Ma eņ gêjô eņ awa gebe “Njac jaba Amalek teņ latu aê, mago gamoa nê m gamêņ.”
 14 Go Dawid kêsôm gêdêņ eņ gebe “Amboac ondoc tec kôtêc taôm atom ma lêmam kêpi Apômtaunê njac, taņ geņ oso eņ naņ, ma gôjac eņ êndu.” 15 Go Dawid gêmôêc lau matac nêņ njac teņ gêmêņ ma kêsôm gebe “Ôna, ônac eņ êndu.” Amboac tonañ eņ jagêjac njac Amalekña tonañ e gêmac êndu. 16 Dawid kêsôm gêdêņ eņ gebe “Nê m dec êpi aôm taôm gebe aôm taôm kôkic nê m biņ ña taôm awamsuņ gêdêņ taņ kôsôm gebe ‘Aê gajac Apômtaunê njac, taņ geņ oso eņ naņ êndu naņ.’ ”

Dawid kêtaņ taņboia kêtu Saul agêc Jonatanña

17 Go Dawid gêga wê taņboaña tonec kêpi Saul agêc latu Jonatan 18 ma kêjatu gebe têndôņ wê tau êndêņ lau Juda ma teto kêsêp Jasarnê buku.

19 “Ojae Israel, sêjac nê m waem êndu gêc nê m lôc ñaô.

Ojae, nê m siņsêlêc ñactêkwa sêjaņagoc.

20 Asôm lasê anğa Gat atom

ma anac miņ anğa Askalon ñamalaciuņ atom

gebe lauo Pilisti têt u samuc atom

ma lau samuc latuņio sênam lasê atom.

21 “Amac lôc Gilboa, maniņ to kom

êpi amac atom, atu gamêņ gasaņ.

Gebe seseņ siņsêlêcnê lautuc ñadabuņ su

ma seņ oso Saulnê lautuc ña niptêkwi kêtiam atom.

22 “Jonatannê sôb keso ñacjo atomanô

ma Saulnê siņ gêjam kôm ñaôma atom.

Gêjac lau siñsêlêc popoc
ma gesen ñacjo su.

23 “Saul agêc Jonatan têtac gêwiñ taun to sêlic taun
ñajam
sêmoa mater jali sêwiñ taun ma sêmac êndu sêwiñ
taun amboac tonanjen.
Sêlêti ñagaô kêlêlêc momboan gêlôb
ma nêñ ñaclai kêlêlêc lewe nêñ su.

24 “O amac Israel latunjo, atan êtu Saulña
gebe en kêkêñ ñakwê asôsamuc ñajam-ñajam gêdên
amac ma kêkêñ gêlôn gold gen kalen nêñ
ñakwê.

25 “Ojae, lau ñactêkwa sêjaña anga siñ ñalêlôm.
Sêjac Jonatan êndu tomatêgen gêc lôc ñaô.

26 “O teocenec Jonatan, atêc gêmô aê kêtú aômña.
Ojae, ñoc gêñenec.
Nêñ têtac gêwiñ aêña kêmoasin aê ñanôgen
kêlêlêc lauo têtac gêwiñ aêña su.

27 “Ojae, siñ gesen lau ñactêkwa su ma nêñ
laukasap gêjaña.”

2

Dawid kêtú kin Judaña

¹ Tonan su, go Dawid kêtú kênac Apômtau gebe
“Aê oc Japi najanğôn malac Judaña ten me masi.”
Apômtau gêjô ênê biñ gebe “Ôna.” Dawid kêtú kênac
kêtiam gebe “Jana malac ondoc.” Ma Apômtau
gêjô en awa gebe “Ôna Hebron.” ² Amboac tonan

Dawid gëwiñ nê awêlagêc Ahinoam ança Jesrel agêc Nabalnê awêtuc Abigail ança Karmel jakêpi Hebron. ³ Dawid kêkôc lau, tañ sêmoa sêwiñ eñ nan, to nêñ gôlôac sêwiñ jasêngôn malac Hebron ñagamêñ ñagêdô. ⁴ Go ñacwaga Judaña sêmêñ ma sen oso Dawid kêtü gôlôac Judaña nêñ kiñ ança tonañ.

Ñawae gêdêñ Dawid gêmêñ gebe lau Jabes-Gilead sêsuñ Saul su. ⁵ Tec Dawid kêsakiñ biñ tonec gêdêñ êsêac gebe “Apômtau ênam mec amac gebe têtac gëwiñ nêñ ñatau Saul amboac tonañ ma asuñ eñ. ⁶ Apômtau êtôc nê têtac gëwiñ tengeñña êndêñ amac to taê walô amac ma aê gabe jamoasiñ amac amboac tonanğeñ êjô gêñ, tañ amac agôm nan. ⁷ Ma galoc têtac êpa su ma awa taôm sa amboac ñacgeñ. Gebe nêñ ñatau Saul gêmac êndu su ma lau Juda sen oso aê gebe jatu êsêacnêñ kiñ.”

2:8–4:12 Saulnê siñwaganêñ kasêga Abner kêkêñ Saul latu Isboset kêtü kiñ ança gamêñ gëmu kêpiña. Siñ kêsa ma lau Israel nêñ gôlôacmôkê, tañ sêngôn gamêñ gëmu kêpiña to êsêac, tañ sêngôn gamêñ gëmu kêsêpñña nan, sêjac taun. Siñ gesen Abner agêc Isboset su, tec Dawid kêtü gamêñ samucgeñ ñakiñ Eñ gëbiñ gamêñ Israelña to gamêñ Judaña tôñ sêpi tagen.

5

Sêkêñ Dawid kêtü Israel samob nêñ kiñ

¹ Go Israelnêñ gôlôacmôkê samob sêo lasê gadêñ Dawid ança Hebron ma sêsôm gêdêñ eñ gebe “Aêacma ñatê ñagêdô aôm. ² Gëmuñña gêdêñ tañ Saul kêtü kiñ nan, aôm gôwê lau Israel kêtü siñña sêja ma kôkôc êsêac sêmu sêmêñ kêtiam.

Ma Apômtau kêsôm gêdêñ aôm gebe ‘Aôm oc ôtu aêñoc lau Israelnêñ gejobwaga ma ôtu êsêacnêñ gôliñwaga.’” ³ Go lau Israelnêñ kasêga samob sêo lasê gêdêñ kiñ anğa Hebron ma kiñ Dawid kêmoatiñ poac gêwiñ êsêac anğa Hebron semoa Apômtau lañônêm, go señ oso Dawid kêtú kiñ Israelña gêwiñ. ⁴ Dawidnê jala kêtú 30 ma kêtú kiñ. Ma eñ gêjam gôliñ êsêac jala 40. ⁵ Eñ kêtú kiñ Judaña anğa Hebron kêtôm jala 7 ma ajôñ 6 ma anğa Jerusalem eñ kêtú Israel to Juda samobnêñ kiñ kêtôm jala 33.

Dawid kêku Jerusalem tulu

⁶ Kiñ to nê lausiñ sêja Jerusalem gebe sênac lau Jebus, tañ têtú malac ñatau nañ. Êsêac sêsôm geden Dawid gebe “Aôm ôsô tonec ômôêñ atom-anô, lau matenpec to puliñ oc sêkô aôm auc.” Biñ tonañ ñam gebe Dawid oc êku malac tulu atomanô. ⁷ Mago Dawid kêku malac totunjbôm ñajaña tulu, tec sêsam malac tau gebe Dawidnê malac. ⁸ Gêdêñ bêc tonañ Dawid kêsôm gebe “Ñac tañ êsêli êsô gasuc buña naênac lau Jebus ma enseñ lau puliñ to matenpec Dawid gedec ñanôgeñ nañ su, go êtu ñac ñamataña.” Kêtú tonañña sêsôm biñ tonec sêmoa gebe “Matenpec to puliñ oc sêsô Apômtaunê andu atom.” ⁹ Dawid gêñgôn malac totunjbôm ñajaña tau ma kêsam gamêñ tau gebe Dawidnê malac. Eñ kêkwê malac tau kégigen gêjam m anğa Milo ma kêsô gêja. ¹⁰ Amboac tonañ Dawidnê ñaclai kêpi ec-kêpi ec gebe Apômtau lausiñ undambêña nêñ Anôtô gêmoa gêwiñ eñ.

Kiñ Hiram ketoc Dawid sa

¹¹ Lau Tirus nêj kiñ Hiram kêsakiñ lau jaenña gêdên Dawid. En kêsakiñ kaseda to kamunda ma sêsap-pocwaga ma sêkwê Dawidnê andu. ¹² Tec Dawid kêjala gebe Apômtau kêkên en kêtü kiñ Israelña biññanôgen-*ma ketoc ênê gôliñ kiñña sa kêtü ênê lau Israelña.*

Dawidnê latuio to ñac, tañ tenenji sêkôc êsêac anğa Jerusalem nañ

¹³ Gêdên tañ Dawid gêwi Hebron siñ jagêngôn Jerusalem nañ, en gêjam lauo ñagêdô mênswêwîñ, tec sêkôc ênê latuio to ñac ñagêdô. ¹⁴ Latui tañ tenenji sêkôc anğa Jerusalem nañ, nêñ ñaê tonec Samua agêc Soba ma Natan agêc Salomo ¹⁵ ma Ibkar agêc Elisua ma Nepeg agêc Japia ¹⁶ ma Elisama agêc Eliada ma Eliplet.

Dawid kêku lau Pilisti tulu

¹⁷ Gêdên tañ lau Pilisti sênô gebe sen oso Dawid kêtü kiñ Israelña nañ, lau Pilisti samob sêwê sêpi sêja gebe sêkôc Dawid tön. Mago Dawid gênô biñ tau ñawae ma kêsêp jagêngôn malac totunbôm ñajaña tau. ¹⁸ Lau Pilisti sêô lasê gaboan Repaim ma sênôn gamên aucgen. ¹⁹ Go Dawid kêtü kênac Apômtau ma kêsôm gebe “Aê oc japi jandên lau Pilisti jana ma aôm ôkên êsêac sêsêp aê lemoc me masi.” Ma Apômtau gêjô en awa gebe “Aec, ôpi ôna, gebe aê oc jakên lau Pilisti sêsêp aôm lêmam biññanôgen.” ²⁰ Amboac tonan Dawid gêô lasê Bal-Perasim ma kêku êsêac tulu anğa tonan. Go en kêsôm gebe “Apômtau gêjac ñoc ñacjo gêmun aê amboac bu kêsap lêndan.” Kêtü tonanña sêsam gamên tonan gebe Bal-Perasim (Apômtau kêku

tulu). ²¹ Lau Pilisti sêwi nêḡ anôtôi gwam siḡ sêc tonanḡ ma Dawid to nê lau sêkôc sa ma sêc sêja.

²² Go lau Pilisti sêpi jasêô lasê gaboanḡ Re-paim kêtiam ma sêḡgônḡ sêjam gamêḡ aucgeḡ.

²³ Gêdêḡ taḡ Dawid kêtû kênac Apômtau kêtiam nanḡ, Apômtau gêjô eḡ awa gebe “Ôpi ôna atom. Ômbuc ômoa êsêac dêmôêḡmunageḡ ma ônac êsêac anḡa gamêḡ, taḡ kêkanônḡ ka môsê kêkô nanḡ. ²⁴ Ma embe ôḡô lau sêsêlêḡ ḡakicsêa anḡa ka lôlôcḡa, go ôlêti gebe êndêḡ tonanḡ Apômtau êsêlêḡ êmuḡ aôm gebe ênac Pilisti nêḡ lausiḡ.” ²⁵ Dawid gêgôm kêtôm Apômtau kêjatu eḡ ma gêjac lau Pilisti anḡa Geba e gêdêḡ Geser.

6

Dawid kêkôc poac ḡakatapa gêmêḡ Jerusalem

¹ Tonanḡ su, go Dawid kêkac Israelnêḡ laumata siḡḡa 30,000 sa kêtiam. ² Dawid gêdi gawiḡ lau samob tonanḡ gêja malac Bal-Juda gebe êkôc Anôtônê poac ḡakatapa, taḡ sêsam lausiḡ undambêḡa nêḡ Apômtau, taḡ gêḡgônḡ kerub ḡaô nanḡ, nê ḡaê kêpi nanḡ. ³ Êsêac tetoc Anôtônê poac ḡakatapa kêkô kareta wakuc teḡ ḡaô ma sêkôc sêsa anḡa Abinadabnê andu, taḡ kêkô gamêḡ ḡabau nanḡ, ma Abinadab latuagêc Usa agêc Ahio sêjam gôliḡ kareta tau. ⁴ Usa kêsêlêḡ gêwiḡ poac ḡakatapa ma Ahio kêsêlêḡ gêmuḡ. ⁵ Dawid to lau Israel samob têtê wê toôliḡ walôgeḡ sêmuḡ Apômtau ma sêjam wê ma sêjac gêḡ wêḡa togam ma sekolonḡ gegob ma sêjac dauc ma oḡ.

⁶ Gêdêḡ taḡ êsêac jasêô lasê Nakonnê sêka polom ḡamala nanḡ, bulimakao sêka selelec, tec

Usa kêmêtôc lêma jakêpuc Anôtônê poac ñakatapa tônia. ⁷ Go Apômtau têtac ñandan gêdên Usa ma gêjac enj gebe kêmêtôc lêma gêdên Apômtaunê poac ñakatapa. ⁸ Dawid têtac ñandan kêtû Apômtau kékac Usa su amboac tonanjen, tec sêsam gamên tau gebe Peres-Usa e mêngêdên galoc. ⁹ Gêdên bêc tonan Dawid kêtêc Apômtau ma kêsôm gebe “Apômtaunê poac ñakatapa êndên aê êmên amboac ondoc.” ¹⁰ Tec Dawid gedec gebe Apômtaunê poac ñakatapa êna ênê malac, ma kêkôc katapa tau kêsô Obed-Edom anja malac Gat nê andu gêja. ¹¹ Amboac tonan Apômtaunê poac ñakatapa kêkô Obed-Edom nê andu anja malac Gat kêtôm alônj têlêac. Ma Apômtau gêjam mec Obed-Edom to nê gôlôac samucgenj.

¹² Ma êsêac sêsôm ñawae gêdên kinj Dawid ma sêsôm gebe “Apômtau gêjam mec Obed-Edom nê gôlôac to nê gên samob kêtû Anôtônê poac ñakatapanja”, tec Dawid gêja jakêkôc Anôtônê poac ñakatapa totêtac ñajamgenj anja Obed-Edom nê andu gêmên taunê malac. ¹³ Gêdên tanj lau sêbalan katapa sa ma sêu enkainj sêsêlên kêtû dim 6 nanj, Dawid kêkênj bulimakao kapoac tenj ma domba tonalêsi tenj kêtû da. ¹⁴ Ma Dawid kêtê wê to nê ñalêlôm samucgenj gêmunj Apômtau. Enj kêjandinj obo dabunjenj. ¹⁵ Dawid to lau Israel samob sêkôc Apômtaunê poac ñakatapa sêmênj ñalênj amboac tonanj sêjam lasê to sêjac dauc kêtanj toôndugenj.

¹⁶ Gêdên tanj Apômtaunê poac ñakatapa mêngêô lasê Dawidnê malac nanj, Saul latuo Mikal gêjam tuc kêsa katam saunj ma gêlic kinj Dawid kêtê wê gêboan-gêboan gêmunj Apômtau, tec enj kêpêc gêdô

enj gêc lêlômgenj. ¹⁷ Sêkôc Apômtau nê poac ñakatapa mênşêsô becoço, tañ Dawid gê nañ, ma tetoc kakô ñamala. Ma Dawid kékêñ daja to dawama gêdêñ Apômtau. ¹⁸ Kékêñ daja to dawama tonañ su acgom, go gêjam mec lau gêjam Apômtau, lausinj undambêña nêñ Anôtô lanô, ¹⁹ gocgo kêsôm ñabinj ma sêjac sam polom teñ ma bôc ñagêdô teñ ma polom ñakana teñ gêdêñ lau Israel nêñ lauo to ñac kêtômgenj. Su, go lau samob sec êlinj-êlinj sêmu sêja nêñ gamêñ kêtiam.

²⁰ Dawid gêmu gêja nê andu amboac tonanjenj gebe ênam mec nê gôlôac. Go Saul latuo Mikal kapuc enj tôn-tôn ma kêsôm gebe “Ocsalô tonec Israelnêñ kinj kêwaka tau sa ñajamanô. Enj kêsêlêñ toôli ñaômagenj gêmoa nê sakinjwaganêñ sakinjwagao ñalêlôm tomaja gêbacgenj kêtôm ñac ñaôma teñ.” ²¹ Dawid gêjô Mikal awa gebe “Aê katê wê gebe jatoc Apômtau sa. Enj kêjalinj aê sa gajô aôm tamam ma gajô ênê gôlôac samob. Enj kékêñ aê katu ênê lau Israel nêñ kinj. Aê oc jatê wê to jatoc Apômtau sa jamoa. ²² Ma aê oc jakôninj tauc êlêlêc galocña e jalic tauc amboac genj ñaôma. Mago ñapalêo, tañ aôm kôsôm binj kêpi êsêac nañ, oc tetoc aê sa.” ²³ Ma Saul latuo Mikal kékôc ñapalê teñ atom e gêmac êndu. *

7

Anôtô kêmoatinj poac gêdêñ Dawid

¹ Gêdêñ tañ Apômtau kékêñ kinj nê ñacjo sêsô enj ñalabu nañ, kinj tau kêlêwanj tau gêñgônj nê andu. ² Ma kinj kêsôm gêdêñ propete Natan gebe “Ôlic

* **6:23:** Peres-Usa ñam “kêkac su”.

acgom, galoc aê ganğôŋ andu kaseda tonec, mago Anôtônê poac ŋakatapa kêkô becobogen.” ³ Ma Natan kêsôm gêdêŋ kiŋ gebe “Ŋajam, ôna ma ôŋgôm gêŋ samob, taŋ gêc nêŋ ŋalêlôm naŋ, ŋanô êsa gebe Apômtau gêwiŋ aôm.”

⁴ Mago gêdêŋ gêbêc tonanğen Apômtau gêsun biŋ gêdêŋ Natan ma kêsôm gebe ⁵ “Ôna ma ôsôm êndêŋ ŋoc sakiŋwaga Dawid gebe ‘Apômtau kêsôm amboac tonec gebe Aôm gobe ôkwê andu teŋ êtu aê jaŋğôŋna me. ⁶ Gêdêŋ taŋ aê gawê lau Israel aŋga Aiguptu sêpi sêmêŋ e mênğêdêŋ galoc naŋ, aê ganğôŋ andu teŋ ŋalêlôm atomanô. Aê gajac laoc gamêŋgen ma ganğôŋ becobogen kêtú ŋoc andu. ⁷ Amboac ondoc gêdêŋ ŋasawa samob, taŋ gajac laoc gamêŋ gawiŋ lau Israel naŋ, aê kasôm biŋ teŋ gêdêŋ Israelnêŋ gôliŋwaga, taŋ kajatu êsêac gebe sejop ŋoc lau Israel naŋ, nêŋ teŋ gebe Amac akwê andu kasedaŋa teŋ êtu aêŋa atom, kasôm me masi.’ ⁸ Ma galoc aôm ôsôm êndêŋ ŋoc sakiŋwaga Dawid gebe Lausiŋ undambêŋa nêŋ Apômtau kêsôm gebe ‘Aôm gojob domba gômoa gamêŋ wale-wale, tec aê kakôc aôm su gebe ôtu ŋoc lau Israel nêŋ gôliŋwaga. ⁹ Ma aê gamoa gawiŋ aôm aŋga gamêŋ samob, taŋ kôsêlêŋ kôsa naŋ, ma gasen nêŋ ŋacjo samob su gamuŋ aôm ma gabe jakêŋ aômnêŋ ŋaê êtu kapôêŋ êtôm lau kapôêŋ nomŋa nêŋ. ¹⁰ Ma aê jajaliŋ gamêŋ teŋ sa êtu ŋoc lau Israelna ma oc jasê êsêac sêsêp gebe êtu êsêacnêŋ gamêŋ sênğôŋna ma ŋacjo sêlênsôŋ êsêac êtiam atom, ma lau ŋaclai sec sêkônîŋ êsêac êtôm sêgôm gêdêŋ gêmuniŋa êtiam atom. ¹¹ Sêgôm gêdêŋ taŋ aê kakêŋ gôliŋwaga sêjam gôliŋ ŋoc lau Israel naŋ. Aê oc jakêŋ nêŋ ŋacjo

sêsô aôm ñalabu ma ôngôn tomalô. Apômtau gêjac mata gêdên aôm gebe en tau oc êmboa nêm gôlôac sa. ¹² Nêm têm embe êmbacnê ma ônêc nêm bêc ôwiñ tamami, nanj oc jakên latôm, tanj mênêsa anja aôm nanj, êjô aôm su, ma oc janac dabinj ênê gamênj kinja. ¹³ Enj oc êkwê andu tenj êtu ñoc ñaêña ma jakên ênê lêpônj kinja êkô endenj tônjenj. ¹⁴ Aê oc jatu enj tama ma enj êtu aê latuc. Enj embe êngôm sec aê oc jamêtôc enj êtôm tama tenj kêmêtôc latu. ¹⁵ Mago aê oc jakôc ñoc moasinj su anja ênê êtôm kakôc su anja Saul, tanj katu kinj gêmunj aôm nanj atom. ¹⁶ Tagenj aômnêm gôlôac to nêm gôlinj kinja êmoa aê lanjônêmña tenjenj ma tenjenj. Ma nêm lêpônj kinja êkô endenj tônjenj.’ ” ¹⁷ Natan kêsôm binj samob, tanj Anôtô geoc lasê gêdên enj nanj gêdên Dawid.

Dawidnê mec danjenja

¹⁸ Go kinj Dawid kêsô lômbec jagêngôn Apômtau lanjônêmña ma ketenj mec gebe “O Apômtau Anôtô, aê asa ma ñoc gôlôac asa tec gôwê aê e mêngêdên tonec. ¹⁹ Mago moasinj tonanj, aôm Apômtau Anôtô, gôlic amboac kêtôm su atom, tec kôsôm binj, tanj oc mênêsa êtu ñamu nanj, kêpi nêm sakinwaganê gôlôac gêwiñ. O Apômtau Anôtô, aôm kôtôc gôlôac to gôlôac, tanj ocgo mênêsêsa nanj gêdên aê. ²⁰ O Apômtau Anôtô, aê oc jasôm asagenj êwiñ. Aôm taôm kôjala nêm sakinwaga. ²¹ Aôm gôgôm gênsêga samob tonanj ñai kêtü binj, tanj gôjac mata nanj, ma katu nêm ñalêlôm kékac aômña gebe ôsôm gêñ tau lasê êndênj nêm sakinwaga aê jajala. ²² O Apômtau Anôtô, aôm ñac kapôênanô ma tenj kêtôm aôm gêmoa atom. Anôtô tenj gêmoa atom, aôm taômgenj,

kêtom biñ samob, tañ aêac anô kêsô aêac tañesun nañ. ²³ Ma lau nomña ondoc têtôm aôm nê lau Israel, tañ anôtô teñ gêjam êsêac kêsî gebe têtû ênê lau nañ, ma êwaka taunê ñaê sa to êngôm gêñsêga to gêñtalô êtu êsêacña. Ma êtiñ lau to nêñ anôtôi jaba su êmuñ nê lau. ²⁴ Mago aôm kôkêñ lau Israel têtû nê lau geden tôngeñ ma aôm, Apômtau, kôtu êsêacnêñ Anôtô.

²⁵ “O Apômtau Anôtô, galoc ôkêñ biñ, tañ gôjac mata kêpi nê m sakiñwaga to nê gôlôac nañ, êtu tông endeñ tôngeñ, ma ôngôm gêñ, tañ kôsôm nañ ñanô êsa. ²⁶ Go aôm nê ñaê oc êtu kapôêñ endeñ tôngeñ ma sêsôm gebe ‘Lausiñ undambêña nêñ Apômtau katu Israel nêñ Anôtô.’ Ma nê m sakiñwaga Dawid nê gôlôac sêmoa aôm lañôm nêñageñ. ²⁷ Gebe aôm, lausiñ undambêña nêñ Apômtau, Israelnêñ Anôtô, goc biñ lasê gêdêñ nê m sakiñwaga ma kôsôm gebe ‘Aê oc jamboa nê m gôlôac sa’, tec nê m sakiñwaga aê têtac kêpa su e kateñ mec tonec gêdêñ aôm.

²⁸ “Ma galoc, o Apômtau Anôtô, aôm taômgeñ Anôtô ma nê m biñ kêtû biññanô. Aôm gôjac mata biñ ñajamanô tonec gêdêñ nê m sakiñwaga. ²⁹ Amboac tonañ ôlic ñajam ma ônam mec nê m sakiñwaga nê gôlôac gebe sêmoa aôm lañôm nêñageñ endeñ tôngeñ, gebe aôm Apômtau Anôtô kôsôm biñ tau ma nê m mec êpi nê m sakiñwaga nê gôlôac endeñ tôngeñ.”

8:1-18 Dawid kêku lau-m ñagêdô, tañ semoa Israel ñamagê nañ, tulu ma kêtû lau Israel samob nêñ kiñ.

Dawid kêmoasiņ Mepiboset

¹ Ma Dawid kêtû kênac gebe “Saulnê gôlôac nêj teņ gêmoa gebe jamoasiņ eņ êtu Jonatanna me masi.” ² Saulnê gôlôac ņasakiņwaga teņ gêmoa, nê ņaê Siba. Êsêac sêmôêc eņ gêdêj Dawid gêmêj. Ma kiņ tau kêtû kênac eņ gebe “Aôm Siba me.” Ma eņ gêjô kiņ awa gebe “Nêm sakiņwaga tec gamoa.” ³ Ma kiņ kêsôm gebe “Saulnê gôlôac nêj teņ gêmoa gebe jatôc Anôtônê moasiņ êndêj eņ me masi.” Go Siba gêjô kiņ awa gebe “Jonatannê latu teņ tec gêmoa. Eņ akaiņ lulugeņ kêtû palê gêņgôn.” ⁴ Kiņ kêsôm gêdêj eņ gebe “Eņ gêmoa ondoc.” Ma Siba gajô kiņ awa gebe “Eņ gêņgôn Amiel latu Makir nê andu aņga malac Lodabar.” ⁵ Go kiņ Dawid kêsakiņ lau jasêkôc eņ aņga Amiel latu Makir nê andu aņga Lodabar sêmêj. ⁶ Ma Saul latu Jonatan nê latu Mepiboset gêdêj Dawid gêmêj ma gêu tau jagêc eņ laņônem ma ketoc eņ sa. Ma Dawid kêsôm gebe “Mepiboset”. Ma eņ gêjô awa gebe “Aec, nêm sakiņwaga aê tec gamoa.” ⁷ Dawid kêsôm gêdêj eņ gebe “Ôtêc taôm atom gebe aê gabe jamoasiņ aôm êtu tamam Jonatanna. Ma aê oc jakêj dêbôm Saulnê nom samob endeņ aôm êtiam. Ma aôm oc ôniņ gêj aņga aêņoc tebo ņapaņ.” ⁸ Ma Mepiboset kêpôn aduc ma kêsôm gebe “Nêm sakiņwaga aê asa tec gobe ônam jaom aê, taņ katôm kêam ņamatê teņ naņ.”

⁹ Go kiņ gêmôêc sakiņwaga Siba ma kêsôm gêdêj eņ gebe “Saulnê gêj samob to nê gôlôacnêj gêņlênsêm samob aê kakêj gêdêj nêm ņatau latu. ¹⁰ Aôm to nêm latômi ma nêm sakiņwaga anam kôm êtu eņņa ma akôc ņanô amêj gebe nêm ņatau

nê gôlôac têtap nêñ gêñ sêniñña sa, mago nêñ natau latu Mepiboset oc êniñ gêñ ança aêñoc tebo ñapañ.” Siba latui 15 ma nê sakiñwaga 20 sêmoa. ¹¹ Go Siba kêsôm gêdêñ kiñ gebe “Nêñ sakiñwaga oc êñgôm gêñ samob, tañ ñoc apômtau kiñ kêjatu nañ.” Amboac tonañ Mepiboset geñ gêñ ança Dawidnê tebo kêtôm kiñnê latui nêñ teñ. ¹² Mepiboset latu saun teñ gêmoa, ênê ñaê Mika. Ma samob, tañ sêñgôn Sibanê andu nañ, têtú Mepibosetnê sakiñwaga. ¹³ Amboac tonañ Mepiboset gêñgôn Jerusalem gebe eñ geñ gêñ ança kiñnê tebo ñapañ. Ma eñ akaiñ lulugeñ kêtú palê.

10:1-19 Dawidnê siñwaga toton-toton sêku lau Amon to lau Suria tulu.

11

Dawid agêc Batseba

¹ Ockêsa kêdabiñ, kiñnêñ têm sênac siñña mênkêsa. Tec Dawid kêsakiñ Joab to nê sakiñwaga ma lau Israel samob jaseseñ lau Amon nêñ nom su ma sêgi malac Raba auc. Mago Dawid gacgeñ gêmoa Jerusalem.

² Ñakêtula teñ Dawid gadi ança nê mê ma kêsêlêñ gêmoa nê andu ñasalôm tapa-tapa ñaô. Gêdêñ tonañ Dawid gêlic awê teñ gêliñ bu. Ma awê tau ñajamanô. ³ Tec Dawid kêsakiñ lau gebe têtú kênac awê tonañ nê ñam. Ma ñac teñ gêwa sa gêdêñ eñ gebe “Eñ Eliam latuo Batseba, ñac Hetña Uria né awê.” ⁴ Go Dawid kêsakiñ lau gebe sêkôc eñ sêmêñ. Tec sêkôc eñ dêdêñ Dawid sêja ma eñ gêc gêwiñ eñ. Gêdêñ tonañ awê tau gêliñ busenom su ma kêtú selec. Go gêmu gêja nê andu kêtiam. ⁵ Awê tau taê,

tec kêsakiñ biñ ma kêsôm gêdêñ Dawid gebe “Aê taêc tec gamoa.”

⁶ Amboac tonañ Dawid kêsakiñ biñ gêdêñ Joab gebe “Ôsakiñ ñac Hetña Uria êndêñ aê êmêñ.” Ma Joab kêsakiñ eñ gêja. ⁷ Gêdêñ tañ Uria mêngêô lasê geden Dawid nañ, Dawid tau kêtú kênac eñ gebe “Joab gêgôm asagen ma lau samob sêmoa ñajam me masi. Ma siñ ñabiñ amboac ondoc.” ⁸ Su, go Dawid kêsôm gêdêñ Uria gebe “Ôna nêmandu ma ôkwasiñ amkaiñ.” Uria kêsa aña kiñnê andu gêja, go kiñ kêsakiñ moasiñ teñ kêdaguc eñ. ⁹ Mago Uria gêja nê andu atom. Eñ gêwiñ nê ñataunê sakiñwaga ñagêdô gêc bêc gêc kiñnê andu ñasacgêdô. ¹⁰ Êsêac sêjac miñ biñ tau gêdêñ Dawid ma sêsôm gebe “Uria gêja nê andu atom.” Tec Dawid kêtú kênac Uria gebe “Aôm kôsêlêñ intêna baliñ. Kêtu asagenña gôja nêmandu atom.” ¹¹ Tagen Uria gêjô Dawidnê biñ gebe “Poac ñakatapa ma lau Israel to Juda sêngôn becobo ma ñoc ñatau Joab to ñoc ñataunê sakiñwaga samob sêsa jasêc awêgen ma aê najangôn ñoc andu, janiñ to janôm gêñ ma janêc jawiñ ñoc awê me. Aê jatôc lemoc ma jasôm êtu tônia gebe aê oc jangôm gêñ amboac tonañ atomanô.” ¹² Go Dawid kêsôm gêdêñ Uria gebe “Amboac tonañ ômoa ocsalô tonec êwiñ ma eleñ oc jawi aôm siñ ômu ôna.” Amboac tonañ Uria gêmoa Jerusalem bêc tonañ ma ñagelen gêwiñ. ¹³ Dawid keten eñ gebe êniñ to ênôm gêñ êwiñ eñ ma gêgôm e gêñ kêjañ eñ. Mago gêdêñ gêbêc eñ gêja nê andu atom, eñ gêc bêc gêc nê mê gêwiñ nê ñataunê sakiñwaga aña andu ñasacgêdô.

¹⁴ Gêdêñ bêbêcgen Dawid keto papia teñ gêdêñ Joab ma Uria kêkôc papia tau gêja. ¹⁵ Ma eñ

keto biñ tonec gêc papia tau gebe “Ôkêñ Uria êkô siñmata, go ataiñ taôm su gebe ñacjo sênac eñ êndu.”
¹⁶ Tec gêdêñ tañ Joab kêgi malac tau auc nañ, eñ kêkêñ Uria kêkô ñasawa, tañ eñ kêjala gebe lau ñactêkwa ñanô sêkô nañ. ¹⁷ Ma lau malacña sêsa jasêjac siñ gêdêñ Joab. Gêdêñ tonañ sêjac Dawidnê sakiñwaga ñagêdô êndu. Ma ñac Hetña Uria gêmac êndu amboac tonañ. ¹⁸ Go Joab kêsakiñ biñ ma gêjac miñ siñ ñabiñ gêdêñ Dawid. ¹⁹ Ma eñ gêjac biñsu ñac jaenña gebe “Êndêñ tañ ônac miñ biñ siñña êndêñ kiñ su nañ, ²⁰ kiñ embe têtac ñandanêsa ma êsôm êndêñ aôm gebe ‘Kêtu asagenña amac atu gasuc jaadabiñ malac gebe anac siñ. Amac ajala gebe sêkô tunbôm ñaô ma oc sêpê amac nec atom me. ²¹ Asa gêjac. Jerubeset latu Abimelek êndu. Awê teñ kêkôc poc sêlêsa polomña teñ ma kêkô tunbôm ñaô, go kêbaliñ jakêruc eñ êndu anga Tebes. Kêtu asagenña amac atu gasuc jaadabiñ tunbôm amboac tonañ.’ Kiñ embe êtu kênac biñ amboac tonañ, go ôsôm êndêñ eñ gebe ‘Nêm sakiñwaga ñac Hetña Uria gêmac êndu amboac tonañ.’”

²² Amboac tonañ ñac jaenña jagêjac miñ biñ samob, tañ Joab kasakiñ eñ gebe êsôm nañ, êndêñ Dawid. ²³ Ñac jaenña kêsôm gêdêñ Dawid gebe “Lau tônê sêlêlêc aêac ma sêsa anga malac sêmên gebe sênac aêac anga awênã. Go aêac ajac êsêac ma alêsuc êsêac dêdêñ malac ñasacgêdô sêja. ²⁴ Go lau talamña sêkô tunbôm ñaô ma sêpê nêm sakiñwaga ñagêdô êndu. Nêm sakiñwaga ñac Hetña Uria gêmac êndu amboac tonañ.” ²⁵ Go Dawid kêsôm gêdêñ ñac jaenña gebe “Ônac Joab têtac tônia biñ tonec gebe ‘Biñ tonañ êkêñ wapac aôm êlêlêc su atom,

gebe sin gesen nac ten galoc ma ten oc êndên nasa wa ten. Ônac sin naja na êndên malac tau e ôku tulu su.' ”

²⁶ Gêdên ta n Urianê awê gênô nawae gebe nê akwen Uria gêmâc êndu nan, en kêta n ta n i boa kêt u nê akwen na. ²⁷ Gêdên ta n kêkâc abec su nan, Dawid kêsâki n nac ten jakêkôc Batseba gêmên ênê andu ma gêjam en kêt u nê awê ma awê tau kêkôc ênê latu ten. Mago gên, ta n Dawid gêgôm nan, gêjac Apômtau mataanô njam atom.

12

Natan gêbu Dawid

¹ Ma Apômtau kêsâki n propete Natan gêdên Dawid gêja. En gêo lasê ma kêsôm gêdên Dawid gebe “Nac luagêc sêmoa malac ten. Ten nac tolêlôm ma ten nac njalêlôm sawa. ² Nac tolêlôm nê domba to bulimakao taêsam nasec. ³ Mago nac njalêlôm sawa nê gên masi, domba njalatu têna tagengen, ta n en gêjam ôli. Ma en gêlôm nê gên e kêt u kapôên gêwi n en to nê njapalêo to nac. Agêc sen to sênôm gaen kêsêp tagen ma gêc bêc gêsac en labum ma njatau gêlic en kêtôm latuo ten. ⁴ Bêc ten nac len ten mênggêo lasê gêdên nac tolêlôm. Ma nac tau gedec gebe êkôc taunê domba me bulimakao nê n ten gebe êmansa n êtu nac len, ta n jagêo lasê gêdên en nan na. Mago en kêkôc nac njalêlôm sawa nê domba tagengen su ma kêmasa n kêt u nac len, ta n gêmên gêdên en nan na.” ⁵ Go Dawid têtac njanda n njanô gêdên nac tonan ma kêsôm gêdên Natan gebe “Aê jatôc lemoc êndên Apômtau mata jali gebe nac, ta n gêgôm gên amboac tonan nan êna na. ⁶ Ma en

oc êjô domba tonan êtu dim aclê, gebe gêgôm gêḅ amboac tonan ma taê walô ḅagec gêc enḅa atom.”

⁷ Natan kêsôm gêdêḅ Dawid gebe “ḅac tau aôm taôm goc. Apôm tau, lau Israel nêḅ Anôtô, kêsôm amboac tonac gebe ‘Aê gaen oso aôm kôtu lau Israel nêḅ kiḅ ma gajam aôm sa anḅa Saul lêma. ⁸ Ma kakêḅ nêḅ ḅataunê andu gêdêḅ aôm gôwê kaiḅ ma ênê lauo toḅḅenḅ wacsêḅḅôn aôm labômm ḅaô to kakêḅ gôlôac Israel to Juda dêdêḅ aôm. Ma embe tonan êtôm atom nanḅo jakêḅ gêḅ ḅagêdô wacênsac ḅaô. ⁹ Aôm lanôm gelo Apôm taunê biḅ ma gôgôm gêḅ sec, taḅ gêjac matocanô ḅajam atom nanḅ, kêtu asagenḅa. Aôm gôjac ḅac Hetḅa Uria ḅa siḅ êndu ma gôjam ênê awê kêtu nêḅ awê. Aôm gôjac enḅa lau Amon nêḅ siḅ êndu. ¹⁰ Amboac tonan siḅ tau oc êwê nêḅ wakuc siḅ atomanô gebe lanôm gelo aê ma kôkôc ḅac Hetḅa Uria nê awê su gebe êtu aôm nêḅ awê.’ ¹¹ Tec Apôm tau kêsôm gebe ‘Ôlic acgom, aê oc jakalem gêḅwapac êpi aôm anḅa aôm taôm nêḅ gôlôac nêḅ. Ma oc jakôc aôm nêḅ lauo su ma jakêḅ êndêḅ nêḅ ḅac wacḅan aôm ma enḅ oc ênêc êwiḅ nêḅ lauo ênêc awêḅenḅ êndêḅ oc êkôḅenḅ. ¹² Gebe aôm gôgôm gêḅ tau kelecḅenḅ, mago aê oc janḅôm gêḅ tonan êndêḅ lau Israel samob sêlic êndêḅ ocsalô.’” ¹³ Go Dawid kêsôm gêdêḅ Natan gebe “Aê gagôm sec gêdêḅ Apôm tau.” Natan gêjô Dawid awa gebe “Amboac tonan Apôm tau kêsuc nêḅ sec ôkwi, aôm oc ômac êndu atom. ¹⁴ Mago kôsu Apôm tau susu ḅa biḅ tonan, tec nêḅ ḅapalê, taḅ têna êkôc enḅ nanḅ, oc êmac êndu.” ¹⁵ Go Natan gêmu gêja nê andu.

Dawid nê latu gêmac êndu

Ma Apômtau gêjac Dawidnê ñapalê, tañ Urianê awê kékôc nan, e gêmác gêgôm enj. ¹⁶ Amboac tonañ Dawid ketenñ Apômtau kêtú ñapalêña ma gajam dabuñ mo ma kasô nê balêm gaja jagêc nom kêtôm gêbêc samob. ¹⁷ Ma ana laumata sêkô sêwiñ enj sebe sêsuñ enj sa, mago enj gedec ma genñ gên gawinñ êsêac atom amboac tonañgenj. ¹⁸ Gêdênj bêc kêtú 7ña ñapalê tau gêmác andu. Ma Dawidnê sakinwaga têtêc gebe sêsôm ñapalê gêmác endu ñawae êndênj enj. Êsêac taenñ gêjam gebe “Gêdênj tañ ñapalê gêmoa mata jaligenñ nan, aêac tasôm binñ gêdênj enj, mago kékênj taña aêac atom. Aêac tasôm ñapalê gêmác êndu su ñawae lasê êndênj enj amboac ondóc. Oc moae enj êngôm tau palinñ.” ¹⁹ Mago gêdênj tañ Dawid gêlic êsêac sêjac binñ kesec-kesec gêdênj tañ nan, enj kêjala gebe ñapalê gêmác êndu su ma kêtú kênac nê sakinwaga gebe “Ñapalê gêmác êndu me.” Êsêac sêjô enj awa gebe “Aec, gêmác êndu.” ²⁰ Go Dawid gêdi sa anja nom ma gêlinñ bu to genñ oso ôli ma kêsô ñakwê tenj. Go kêsô Apômtaunê lômbeç jaketenñ mec. Su, go gêmu gêja taunê andu ma ketenñ gên taniñña. Tec sêkôc gên dêdênj enj jagenñ. ²¹ Ma ênê sakinwaga sêsôm gêdênj enj gebe “Gôgôm amboac tonañ ñam amboac ondóc. Ñapalê mata jali gêmoa ma gôjam dabuñ mo to kôtanñ ñanô kêtú enñña. Ma gêdênj tañ ñapalê gêmác êndu su nan, gôdi sa ma goenñ gên.” ²² Ma enj gêjô êsêac awenñ gebe “Gêdênj tañ ñapalê mata jali gêmoa nan, aê gajam dabuñ mo to katanñ tanjiboa gebe taêc gêjam amboac tonec gebe ‘Asa kêjala Apômtau, oc moae taê walô aê ma êkênj ñapalê êmoa mata jali.’” ²³ Galoc gêmác êndu su, tec janam dabuñ mo êtu agenñña. Oc jakôc

enj êmu êmênj êtiam me. Aê oc jandênj enj jana, mago enj oc êmu êndênj aê êtiam atomanô.”

²⁴ Go Dawid gêjam malô nê awê Batseba ma kêsô jagêc gêwinj enj. Ma enj kêkôc ñapalê ñac tenj ma gê ênê ñaê gebe Salomo. Ma Apômtau têtac gêwinj enj ²⁵ ma kêsakinj propete Natan gebe ê ênê ñaê gebe Jedidia (ñam gebe Anôtô têtac gêwinj) kêtü Apômtauña.

12:26–14:20 Dawid kêku lau Amon nêj malacsêga tulu. Mago Dawidnê gôlôacnêj binj kêlênsônj. Dawid latu Absalom gêjac lasi têna tenja êndu kêtü gêgôm sec gêdênj Absalom lasio Tamarña. Absalom gêc su jagêmoa gamênj Gesur jala têlêac. Joab kêkac Dawid gebe êkalem Absalom êmu êmênj.

14

Dawid agêc Absalom sê sêlêb tauj kêtiam

²¹ Go kinj kêsôm gêdênj Joab gebe “Gôlicgac, aê jakênj êwinj nêmbin, tanj kotenj nanj. Naôkôc ñac wakuc Absalom êmu êmênj êtiam.” ²² Ma Joab gêu tau lanjônô gêdênj nom ma ketoc kinj sa to gêjam mec enj. Ma Joab kêsôm gebe “Ocsalô nêmbin sakinwaga aê kajala gebe ñoc ñatau kinj gêlic aê gajac mataanô ñajam ma kinj tau gêlôc kêtü binj, tanj katej nanja.” ²³ Amboac tonanj Joab gêdi gêja Gesur ma kêkôc Absalom gêmu gêmênj Jerusalem kêtiam. ²⁴ Ma kinj tau kêsôm gebe “Enj êngônj taunê andu ma êmoa tauña. Enj êmênj êkô aê lanjônênj atom.” Tec Absalom gêmoa nê tauña gêngônj ênê andu ma jakêkô kinj lanjônênj atom.

²⁵ Ñac lanjôejam tenj kêtôm Absalom gêmoa Israel ñalêlôm atom. Lanjônô latu-latu ma ôli ñageo

gêc atomanô. ²⁶ Gêdêḡ taḡ jala gêjac pep naḡ, eḡ kêkapiḡ nê môkêlauḡ gebe môkêlauḡ ḡawapac kêsa. Ma kêkêḡ môkêlauḡ kêpi dôḡ ma gêlic ḡawapac kêtôm kiḡnê dôḡ kilo 2. ²⁷ Ma Absalomnê latui têlêac ma latuo tagenḡ, ḡaê Tamar. Awê tonanḡ awê êjam ḡanô.

²⁸ Amboac tonanḡ Absalom gêmoa Jerusalem jala samuc luagêc ma kêsa kiḡ laḡônêḡ ḡagec atomanô. ²⁹ Go Absalom kêsakiḡ biḡ gêdêḡ Joab gebe êmêḡ ma Absalom êsakiḡ eḡ êndêḡ kiḡ êna. Mago Joab gedec ma gêja atom. Ma eḡ kasakiḡ biḡ kêtiam kêtû luagêcḡa, mago Joab gêja atom. ³⁰ Tec eḡ kêsôm gêdêḡ nê sakiḡwaga gebe “Alic acgom, Joabnê kôm gêc kêsi aêḡoc kôm ma eḡ kêsê polom kêkô tonanḡ. Ana ma akêḡ ja êniḡ kôm tau.” Amboac tonanḡ Absalomnê sakiḡwaga sêkêḡ ja geḡ kôm tau. ³¹ Go Joab gêdi gêdêḡ Absalom nê andu gêja ma kêsôm gêdêḡ eḡ gebe “Aômniêḡ sakiḡwaga sêkêḡ ja geḡ aêḡoc kôm kêtû agenḡa.” ³² Absalom gêjô Joab awa gebe “Gôlicgac me, aê kasakiḡ biḡ gêdêḡ aôm gebe Ômôêḡ gebe jasakiḡ aôm ôndêḡ kiḡ ôna ma ôtu kênac eḡ gebe ‘Aê gamu gamêḡ aḡga Gesur kêtû agenḡa. Aê gacgeḡ jamoa tônêḡaḡ oc ḡajam êlêlêc. Amboac tonanḡ ôlôc gebe najakô kiḡ laḡônêḡḡa ma embe jawê kaiḡ biḡ teḡ, go eḡ ênac aê êndumaḡ.’ ” ³³ Go Joab gêdêḡ kiḡ gêja ma gêjac miḡ biḡ gêdêḡ eḡ. Ma kiḡ gêmôêc Absalom. Amboac tonanḡ eḡ gêdêḡ kiḡ tau gêja ma gewec laḡôanô kêsêḡ nom gêc kiḡ laḡônêḡḡa. Ma kiḡ kêlêsoḡ Absalom alianô.

15

Absalom gêli tau sa gêdêḡ Dawid

¹ Tonan su, go Absalom gêjam ôli kareta to hos ma kékôc lau 50 gebe sêlêti sêmuñ en. ² Kêtom têm samob Absalom gêdi gêdên bêbêcgen jakêkô intêna kêsî malac ñasacgêdôña. Ma elêmê ñac ten embe êmên gebe êlic kin êtu êmêtôc ênê bin ñasawaña, nan Absalom oc êmôêc en ma êtu kênac gebe “Aôm anga malac ondoc.” Ma en embe êjô en awa gebe “Nêm sakinwaga aê anga Israelnên ton ten”, ³ go Absalom oc êsôm êndên en gebe “Ôlic acgom, nêm bin ñajam to gêdên, mago kinê ñac gebe êñô aômnêm binña gêmoa atom.” ⁴ Ma Absalom kêsôm gêwiñ gebe “Oe, sêkên aê jatu ñacmêtôc anga gamên tonecman, go lau samob, tan nên bin ênêc nan, dêndên aê sêmên ma jamêtôc nên bin naêndêngeñ.” ⁵ Ma ñac ten embe êndambin gebe êpôn aduc êndên en, go Absalom êmêtôc lêma ma êkam en sa to êlêsoñ en alianô. ⁶ Absalom gégôm amboac tonan gêdên lau Israel samob, tan sêmên gebe kin êmêtôc êsêacnên bin nan, ma gêjam lau Israel nên ñalêlôm ôkwi gêdên en tau.

⁷ Jala aclê gêjaña, go Absalom kêsôm gêdên kin gebe “Aê jaten aôm gebe ôlôc gebe jana Hebron ma jañgôm bin, tan gajac mata gêdên Apômtau nan, ñanô êsa. ⁸ Gêdên tan ganğôñ Gesur Aram nan, nêm sakinwaga gêjac mata bin ma kasôm gebe ‘Embe Apômtau êkên aê jamu jana Jerusalem binñanôgeñ, go janam sakin en anga Hebron.’ ” ⁹ Ma kin tau kêsôm gêdên en gebe “Ôna tobinmalôgeñ.” Amboac tonan Absalom gêdi ma gêja Hebron. ¹⁰ Mago Absalom kêsakin lau jaenña kelecgen kêtôm Israelnên gôlôacmôkê samob sêja ma sêsôm gebe “Amac embe anô dauc êtan, go anam lasê to asôm

gebe ‘Absalom kêtú kiŋ aŋga Hebron.’ ’ ¹¹ Absalom keteŋ lau 200 aŋga Jerusalem gebe têtú ŋaclen en, tec sêsêlêŋ sêwiŋ en. Êsêac sêjam kauc biŋ samob tonan ŋai ma sêwiŋ en tonêŋ ŋalêlôm sawa biŋŋagen sêja. ¹² Gêdêŋ taŋ Absalom kêkêŋ da gêmoa nan, en kêsakiŋ biŋ gêja malac Gilo gebe Dawidnê ŋac gêwa biŋ saŋa Ahitopel êndêŋ en êmêŋ. Ma biŋ sêli tauŋ saŋa kêtú kapôêŋ ma lau toton-toton sêwiŋ Absalom.

Dawid gêwi Jerusalem siŋ

¹³ Ma ŋac jaenŋa teŋ mêngeô lasê gêdêŋ Dawid ma kêsôm gebe “Lau Israel nêŋ ŋalêlôm gêjam tau ôkwi jakêsap Absalom tôŋ.” ¹⁴ Go Dawid kêsôm gêdêŋ nê sakiŋwaga samob, taŋ sêmoa sêwiŋ en aŋga Jerusalem nan, gebe “Ajôc, taêc. Embe taêc atom, oc tawê Absalom sa atom. Aŋgôm ŋagaô. Embe masi, oc Absalom mêngeô lasê tonec seben ma êkônîŋ aêac to ênac lau malacm tau ŋa siŋ êndu.” ¹⁵ Ma kiŋnê sakiŋwaga sêjô en awa gebe “O ma ŋatau kiŋ, nêŋ sakiŋwaga aêac, tec aŋgôm nêŋ biŋ ŋanô êsa.” ¹⁶ Amboac tonan kiŋ gêdi gêja ma nê gôlôac sêwiŋ en. Ma kiŋ gêwi nê lauo 10 siŋ gacgen sêmoa gebe sejop andu. ¹⁷ Ma kiŋ gêdi gaja ma lau samob têdaguc en ma aŋga andu ŋamuŋa êsêac sêka tôŋ sêkô sêlêwan taun. ¹⁸ Go nê sakiŋwaga samob sêôc lêlêc en sêja. Ma siŋwaga Keret to Peletŋa, taŋ sejop en ŋapan nan, to lau Git 600, taŋ têdaguc en aŋga Gat nan, jasêôc lêlêc kiŋ.

¹⁹ Go kiŋ tau kêsôm gêdêŋ ŋac Gitŋa Itai gebe “Aôm gobe ôwiŋ aêac êtu asagenŋa. Ômu ôna ma ômoa ôwiŋ kiŋ wakuc gebe aôm ŋacjaba ma têtîŋ aôm su aŋga nêŋ malacmôkê mêngeôŋgôŋ gamêŋ

jaba. ²⁰ Nôgeŋ tec gômôêŋ ma ocsalô tonec oc jakac aôm gebe ônac laoc gamêŋ ôwiŋ aêac me. Aê jana, tagen gajam kauc jana ondoc. Ôkac taôm ôkwi to nêŋ lasitêwaigen amu ana. Apômtau têtac gêwiŋ aôm ma êmoa êwiŋ aôm ŋaŋêŋgeŋ.” ²¹ Go Itai gêjô kiŋ awa ma kêsôm gebe “O ŋoc kiŋ, aê jasôm êtu tôn jakô Apômtau mata jali laŋônêŋ ŋa gebe gamêŋ, taŋ aôm ôna naŋ, aê jawiŋ ma embe jamac êndu oc jamac êndu.” ²² Tec kiŋ kêsôm gêdêŋ Itai gebe “Amboac tonaŋ ôsêlêŋ ômuŋ aê.” Tec ŋac Gitŋa Itai to nê lau samob ma nêŋ gôlôac saun samob, taŋ sêmoa sêwiŋ eŋ naŋ, sêsêlêŋ sêmuŋ Dawid sêja. ²³ Ma gêdêŋ taŋ lau samob sêôc lêlêc Dawid sêja naŋ, lau samob têtanaŋ ŋanô ma kiŋ gelom bu Kidron ma lau samob sêmuŋ eŋ sepeŋ gamêŋ sawagen sêja.

²⁴ Ma Abiatar agêc Sadok sêwiŋ lau Lewit samob, taŋ sêbalaŋ Anôtônê poac ŋakatapa naŋ, sêô lasê amboac tonaŋ. Ma êsêac tetoc Anôtônê poac ŋakatapa kêkô e lau samob aŋga malac sêsa sêmêŋ. ²⁵ Go kiŋ tau kêsôm gêdêŋ Sadok gebe “Ôkôc Anôtônê poac ŋakatapa êmu êsô malac kapôêŋ êna êtiam. Embe Apômtau êlic aê ênac mataanô ŋajam, go êkêŋ aê jamu jamêŋ ma jalic katapa tau to ênê gamêŋ êtiam. ²⁶ Mago embe êsôm gebe ‘Aê matocanô galic aôm ŋajam atom’, go êŋgôm aê êtôm eŋ taê ênam. Aê tec gamoa.” ²⁷ Go kiŋ kêsôm biŋ teŋ gêdêŋ dabuŋwaga Sadok gêwiŋ gebe “Ôlic acgom, ômu ôna malac tobiŋmalôgeŋ, amagêc Abiatar awiŋ nêŋ latômiagêc, nêŋ latôm Ahimas agêc Abiatar latu Jonatan. ²⁸ Ôlic acgom, aê oc jansaê aŋga buselen, taŋ gêc gamêŋ sawa naŋ, e jatap

ɲawae ten ɲa anɲa amacnê.” ²⁹ Amboac tonan Sadok agêc Abiatar sêbalaɲ Anôtônê poac ɲakatapa sêmu sêja Jerusalem ma gacgen sêmoa tonan.

³⁰ Mago Dawid jakêpi lôc Katêkwi totaɲiboagen. En kêsêlêɲ ɲa atapa ɲaômagen to gêsan laɲôanô auc. Ma lau samob, taɲ sêwiɲ en naɲ, sêsan laɲôɲanô auc ma sêsêlêɲ sêpi sêja totaɲiboagen amboac tonanɲen. ³¹ Ma ɲawae gêdêɲ Dawid gebe “Ahitopel gêwiɲ lau sêli taun saɲa gêmoa gêwiɲ Absalom.” Go Dawid gêmôêc gebe “O Apômtau, aê jateɲ aôm, ônam Ahitopelnê biɲ ôkwi êtu biɲ meloc.”

³² Gêdêɲ taɲ Dawid gêô lasê gamêɲ, taɲ sêjam sakiɲ Anôtô sêmoa anɲa lôc ɲatêpôê naɲ, nê ɲac Ark Husai gêdac en. En kêkac nê ɲakwê gêɲgic ma nom gi en môkêapac. ³³ Ma Dawid kêsôm gêdêɲ en gebe “Aôm embe ôwiɲ aê oc ônam aê sa êtôm atom. ³⁴ Mago aôm embe ôna malac ma ôsôm êndêɲ Absalom gebe ‘O kiɲ, aê gabe jatu nêni sakiɲwaga amboac gêmunɲen katu tamamnê.’ Embe ôɲgôm amboac tonan, go ônam aê sa ma onseɲ Ahitopelnê biɲ su. ³⁵ Dabuɲwaga Sadok agêc Abiatar sêmoa sêwiɲ aôm. Amboac tonan biɲ samob, taɲ ôɲô anɲa kiɲnê andu naɲ, ôndôɲ êndêɲ dabuɲwaga Sadok agêc Abiatar. ³⁶ Êsêagêcnêɲ latuɲiagêc Sadok latu Ahimas agêc Abiatar latu Jonatan sêmoa sêwiɲ êsêagêc ma aôm ôsakiɲ êsêagêc tobiɲ samob, taɲ aôm ôɲô naɲ, dêndêɲ aê sêmêɲ.” ³⁷ Tec gêdêɲ têm, taɲ Absalom jakêsô Jerusalem naɲ, Dawidnê ɲac Husai jagêô lasê amboac tonanɲen.

Dawid agêc Siba

¹ Gêdên tañ Dawid jakêlêlêc lôctêpôê ñagec su nañ, Mepibosetnê sakinwaga Siba kêpuc enj têt-têt todonki luagêc ma waba. Polom 200 ma wain kwalim 100 ma kañanô 100 ma bôc ñaôlic towain tenj gêsac donki ñaô. ² Ma kinj kêtú kênac Siba gebe “Gên tonañ ñam amboac ondoc.” Go Siba gêtô enj awa gebe “Donki sênam kinjê gôlôac sa gebe sêngôñ ñaô. Ma lau wakuc sêninj polom to kañanô ma êsêac, tañ tekwenj gêbac anja gamênj sawa nañ, sênôm wain.” ³ Go kinj kêtú kênac gebe “Ma nê nataunê latu gêmôa ondoc.” Tec Siba gêtô kinj awa gebe “Enj gêngôñ Jerusalem gebe enj kêsôm gebe ‘Ocsalô tonec gôlôac Israel oc sêkênj tamocnê gamênj kinja êmu êndênj aê.’” ⁴ Tec kinj kêsôm gêdên Siba gebe “Amboac tonañ gênj samob, tañ kêtú Mepibosetnê nañ, êtu aômnêm.” Ma Siba kêsôm gebe “Ñoc ñatau kinj, aê jasô aôm ñalabu, matamanô êlic aê ñajammañ.”

Dawid agêc Simei

⁵ Gêdên tañ kinj Dawid mêngêô lasê malac Bahurim nañ, ñac tenj anja Saulnê gôlôac, Gera latu Simei kêsá anja tonañ gêmênj gebe êpuc enj têt-têt. Enj kêsêlênj tonê ñalêlôm secgenj gêmôa ma kêpuc boa Dawid gêmôa intêna. ⁶ Dawidnê lau samob to sinjêlêc sêgi enj auc, mago Simei kêtuc Dawid to nê sakinwaga ña poc. ⁷ Ma Simei kêpuc boa enj ma gêmôêc gebe “Ônaña, ônaña, dec kêsap aôm lêmam têt, aôm ñac alôb-alôb. ⁸ Aôm kôjanjo Saulnê gôlinj kinja su ma kôkêc Saulnê gôlôac nêñ dec taêsam sinj. Tec Apômtau kêkênj ñagêtô kêpi aôm ma kêkênj nêñ gamênj kinja kêsêp latôm Absalom lêma. Kec,

ñagêjô kêtap aôm, tañ lêmam siñdec nañ sa sugac.”
⁹ Go Seruia latu Abisai kêsôm gêdêñ kiñ gebe “Kêam
 ñamatê tonañ oc êpuc boa êôc ñatau kiñ êtu agenña.
 Ôsôm ma najandim eñ gêsutêkwa êñgic.” ¹⁰ Mago
 kiñ gêjô eñ awa gebe “Seruia latui amac, aêacnêñ
 asageñ ñagêdô gêdêñ tañ. Eñ embe êpuc boa
 aê gebe Apômtau kêsôm gêdêñ eñ gebe ‘Ôpuc boa
 Dawid,’ go asa êtôm gebe êsôm gebe ‘Gôgôm tonañ
 kêtú asageñña.’ ” ¹¹ Ma Dawid kêsôm gêdêñ Abisai
 to nê sakiñwaga samob gebe “Alicgac me, aê tauc
 latuc kêkic ñoc biñ ma ñac Benjaminña tonañ oc
 êñgôm atom me. Andec eñ êpuc boa aêman gebe
 Apômtau kêjatu eñ. ¹² Oc moae Apômtau êlic aêñoc
 gêñwapac ma êkêñ moasiñ êjô biñ kêpuc boa ocsalô
 tonecña su.” ¹³ Amboac tonañ Dawid to nê lau
 sêsêlêñ sêmoa intêna ma Simei kêsêlêñ gêwiñ gêmoa
 lôcdênan, tañ kêkanôñ kiñ nañ, ma kêpuc boa eñ to
 kêtuc eñ ña poc ma kêpalip kekop kêpi gêgôm geden
 tôniañ gêja. ¹⁴ Ma kiñ tau to lau samob, tañ sêwiñ
 eñ nañ, sêô lasê Jordan totekweñ gêbacgeñ ma anga
 tonañ eñ kêlêwan tau.

Absalom gêmoa Jerusalem

¹⁵ Absalom to lau Israelnêñ ñacwaga samob sêô
 lasê Jerusalem ma Ahitopel gêmoa gêwiñ eñ. ¹⁶ Ma
 gêdêñ tañ Dawidnê ñac Ark Husai jagêô lasê gêdêñ
 Absalom nañ, eñ awa gêôc Absalom gebe “Kiñ
 êmoa tengeñ, kiñ êmoa tengeñ.” ¹⁷ Ma Absalom
 kêsôm gêdêñ Husai gebe “Aôm têtmac gêwiñ nê
 ñac amboac tonañ me. Kêtu asageñña aôm gôwiñ
 nê ñac gôja atom.” ¹⁸ Ma Husai kêsôm gêdêñ
 Absalom gebe “Masi, aê jatu ñac, tañ Apômtau to
 lau tonec ma ñacwaga Israel pebenj sêjaliñ eñ sa

nañ, nê gêñ ma aê jamoa jawiñ engeñ. ¹⁹ Ma ten êwiñ, aê janam sakiñ asa. Oc janam sakiñ ñoc ñatau latu atom me. Janam sakiñ aôm êtôm gajam sakiñ tamam.”

²⁰ Go Absalom kêsôm gêdêñ Ahitopel gebe “Ôwa sa acgom, galoc aêac danğôm asageñ.” ²¹ Ahitopel gêjô Absalom awa gebe “Aôm ôsô ôndêñ tamamnê awênê anaio, tañ gêwi êsêac siñ gebe sejop andu tau nañ ôna. Go Israel samucgeñ sêñô ñawae gebe kôkêñ taôm kôtu tamamnê ñacjo, go samob, tañ sêsap aôm tôñ nañ, tekweñ saki êsa.” ²² Amboac tonañ êsêac sê becobo ten kêtú Absalomña kêkô andu ñasalôm tapa-tapa ñaô. Ma Absalom kêsô gêdêñ tamanê awênê anaio ma Israel samob sêlic. ²³ Gêdêñ ñasawa tonañ Ahitopel embe êwa biñ ten sa, nañ tetoc biñ tau sa ma sêlic amboac anğa Anôtô taunê. Dawid agêc Absalom lulugeñ tetoc Ahitopel nê biñ sa kêtôm tonañ.

17

Husai gesen Ahitopelnê biñ

¹ Go Ahitopel kêsôm gêdêñ Absalom gebe “Tajaliñ lau 12,000 sa ma aê jandi ma jandaguc Dawid êndêñ êmbac tonec. ² Aê oc jandac en êndêñ tañ en têtwa êmbac ma têtac ñatutuc ma jatakê en to lau samob, tañ sêwiñ en nañ sêc sêna. Aê oc janac kiñ taugen ³ ma jakôc lau samob sêmu dêdêñ aôm sêmên amboac awê ten gêmu gêdêñ nê akweñ gêmên. Aôm gobe ônac ñac tagengeñ ma lau samob sêmoa tobiñmalôgeñ.” ⁴ Ma biñ tau kêmoasiñ Absalom to Israel nêñ lauñanô samob.

⁵ Go Absalom kêsôm gebe “Amôêc ñac Ark Husai amboac tonanjen ma tanjô binj, tanj enj taê gêjam nanj.” ⁶ Ma gêdênj tanj Husai mênjgêô lasê gêdênj Absalom nanj, Absalom kêsôm gêdênj enj gebe “Ahitopel kêsôm amboac tonanj. Aêac danjôm êtôm enj kêsôm me masi. Embe masi, go ôwa binj tau sa.” ⁷ Go Husai kêsôm gêdênj Absalom gebe “Binj tanj Ahitopel kêsôm gêdênj aôm gebe danjômña nanj, ñajam atom.” ⁸ Ma Husai kêsôm gêwiñj gebe “Aôm kôjala gebe tamam to ñacwaga, tanj sêwiñj enj nanj, lau ñactêkwa ma êsêac têtac ñandanj sec amboac bôclai têna tenj, tanj gêmoea saleñj ma sêjanjo ñalatu su anja ênê nanj. Ma binj tenj Aôm tamam enj sinjsêlêc lanjwa ma kêjala sinj ñagôliñj. Enj oc êkêñj nê lau sêlêwanj tauñj êndênj êmbêc atom.” ⁹ Taêm ênam, Dawid galocjenj oc kêsiñj tau ôkwi anja pocgêsunj me gamênj tenj. Ma embe sinj êsa ma sênac nêmlau ñagêdô êndu, go lau tanj sênjô ñawae nanj, oc sêsôm gebe ‘Lau taêsam tanj têdaguc Absalom nanj sêjanja.’ ¹⁰ Go ñac têtac kêpa sunja, tanj nê ñalêlôm amboac lewe nê nanj, oc êtu palê ma êtêc tau ñanôjenj. Gebe Israel samucjenj sêjala gebe aôm tamam enj ñac sinjsêlêc to êsêac, tanj sêwiñj enj nanj, lau tonjaclaigenj. ¹¹ Mago binj tanj aê taê gajam gebe danjôm nanj, tonec gebe Israel samucjenj anja Dan e êndênj Berseba sêkac tauñj sa sêpi tagenj dêndênj aôm. Êsêac lau taêsam ñanô lasê amboac ganjac gwêcña ma aôm taômgenj ôwê êsêac sênac sinj. ¹² Aêac embe tatap Dawid sa anja nê ñasawa tenj, go aêac takôm enj auc amboac maninj kêsêlô kêsêp nom ma enj tonê lau, tanj sêmoea sêwiñj enj nanj, nêñj tenj oc êwê sa atom. ¹³ Enj embe êtainj tau su naêlamu malac totunjbôm

ten, go Israel samucgen sêkôc lêpoa sêna malac tonan ma sê malac tau êsêp gaboan to sensen su ênaña e têtap ñapoc tagenjen sa êtiam atom.” ¹⁴ Ma Absalom to Israelnêñ ñacwaga samob sêsôm gebe “Ñac Ark Husai nê bin ñajam kêlêlêc Ahitopelnê su.” Apômtau gebe ensen Absalom su, tec kêkên êsêac sêwi Ahitopelnê bin ñajam sin gêcña.

¹⁵ Go Husai gêjac min bin, tan Ahitopel kêsôm gêdên Absalom to lau Israelnêñ kasêga ma bin, tan en tau kasôm gêdên êsêac nan, geden dabunwagaagêc Sadok agêc Abiatar. ¹⁶ Ma kêsôm bin tonec gêwiñ gebe “Asakiñ bin ñagaôgen êna ma asôm enden Dawid gebe êmoa buselen gamên sawaña êndên êmbêc atom. Selom bu sêna ñamaken gebe gêñwapac êtap kin to lau samob, tan semoa sêwiñ en nan sa atom.”

¹⁷ Jonatan agêc Ahimas sêsaê sêmoa bumata Enrogel. Sakiñwagao ten gêja ma kêsôm bin gêdên êsêagêc gebe êsêagêc nasêsôm ñawae êndên kin Dawid. Êsêagêc taun têtôm gebe sêsa malac tau sêna e lau sêlic êsêagêc nec atom. ¹⁸ Mago ñapalê ten gêlic êsêagêc, tec jagêjac min gêdên Absalom. Amboac tonan agêc sêwi gamên tonan sin ñagaôgen ma jasêo lasê ñac ten anga malac Bahurim nê andu. Ênê sê buña ten gêc nê malaclun, tec êsêagêc sêsêp sê tau ñalêlôm sêja. ¹⁹ Ma ñac tau nê awê jakêgadê sê awa auc ma kêta mopolom ñanô gêsac gadê ñaô e gêñ ten gêc awê atom. ²⁰ Gêdên tan Absalom nê sakiñwaga jasêo lasê dêdên awê tau anga andu tonan nan, êsêac têtû kênac gebe “Ahimas agêc Jonatan semoa ondoc.” Awê tau gêjô êsêac awen gebe “Êsêagêc selom bu sêja.” Ma êsêac sesom

elêmê, mago têtap êsêagêc sa atom. Tec sêmu sêja Jerusalem kêtiam.

²¹ Sêc sêja su acgom, go êsêagêc sêpi anga sê sêmêj kêtiam ma sêja sêkêj ηawae gêdêj kin Dawid tau. Êsêagêc sêsôm gêdêj Dawid gebe “Ôndi ma seben olom bu ηamakej ôna.” Go sêjac miη biη, taη Ahitopel kêsôm kêt u enηa naη. ²² Tec Dawid to lau samob, taη sêmoa sêwiη en naη, dêdi selom bu Jordan su sêwi nêj ηac teη siη gêmoa ηamakej ônêja atom.

²³ Ahitopel gêlic gebe sêgôm ênê biη samob ηanô kêsa atom, tec kêmasaη nê donki ma gêc gêja taunê malacmôkê. En kêmasaη nê biη to gêj samob gêbacnê ma jagêbic tau êndu ma sêsuη en anga tamanê sêô.

Dawid gêmoa malac Mahanaim

²⁴ Go Dawid jagêô lasê Mahanaim ma Absalom to lau Israel nêj ηacwaga samob selom bu Jordan sêja. ²⁵ Absalom kêkêj Amasa kêt u siηwaganêj ηamata gêjô Joab su. Amasa tonaη en ηac Ismael Itra latu. Itra tau gêjam Nahas latuo Abigail. En Joab têna Seruia lasio. ²⁶ Absalom to lau Israel sê nêj becobo sêmoa gamêj Gilead.

²⁷ Gêdêj taη Dawid gêô lasê Mahanaim naη, Nahas latu Sobi anga Amon nêj malac Raba agêc Amiel latu Makir anga Lodebar ma ηac Gileadηa Barsilai anga Rogelim, ²⁸ sêkôc mê to laclu ma ku to mopolom tokaiη-tokaiη ma polom sigob to gabab ma gêngaga ηagêdô. ²⁹ Êsêac sêkôc lêp to ηalêsi ma su gêjac anô sêmêj gebe Dawid to lau siηja, taη sêmoa sêwiη en naη sêniη. Êsêac sêsôm gebe

“Lau sêmoa gamêñ sawa e mo to bu gêjô êsêac ma tekwen gêbac.”

18

Absalom gêmac êndu

¹ Go Dawid gêjac nê lau, tañ sêmoa sêwiñ en nañ, kêsi ma kêkêñ êsêacnêñ laumata siñña ñagêdô sêjam gôliñ lau 1,000 ma ñagêdô sêjam gôliñ lau 100. ² Go Dawid gêwa lau siñña kêkôc gêja toñ têlêac. Toñ ñamataña Joab gêjam gôliñ. Toñ teñ Seruia latu Joab lasi Abisai gêjam gôliñ. Ma toñ teñ ñac Gitña Itai gêjam gôliñ. Ma kiñ kêsôm gêdêñ lau gebe “Aê tauc oc jawiñ amac amboac tonanğen.” ³ Mago êsêac sêsôm gebe “Aôm ôwiñ aêac atom. Aêac embe aêc ñacjo su oc lau taêñ ênam biñ taêsam atom. Embe aêacma ñamaken sêmac êndu oc lau taêñ ênam biñ taêsam atom amboac tonanğen. Mago aôm tec kôlêlêc ma lau 10,000 su. Amboac tonanğ aôm embe ômoa malac ma ôpuc aêac toñ oc ñajam êlêlêc.” ⁴ Tec kiñ kêsôm gêdêñ êsêac gebe “Gêñ tañ amac alic ñajam nañ, aê gabe jasô ñalabu.” Amboac tonanğ kiñ kêkô kêsi malac ñasacgêdô ma siñwaga samob sêsêlêñ sêsa sêja totonğ-totonğ. Toñ ñagêdô ñalau têtôm 100 ma toñ ñagêdô ñalau têtôm 1,000. ⁵ Ma kiñ kêjatu Joab agêc Abisai ma Itai gebe “Anğôm ñac wakuc Absalom saic-saicgenğ atom êtu aêña.” Ma lau samob sêñô jatu tonanğ, tañ kiñ kêkêñ gêdêñ êsêac laumata siñña samob kêtü Absalomña nañ.

⁶ Amboac tonanğ Dawidnê siñwaga sêsa awê gebe nasêndac lau Israel. Ma sêjac siñ tau kêsa anğa saleñ Epraimña. ⁷ Ma Dawid nê siñwaga sêku Israel tulu anğa tonanğ. Sêjac siñ kapôêñanô gêdêñ bêc

tonañ. Lau 20,000 sêmac êndu. ⁸ Siñ tonañ gelom gêjam gamêñ tonañ auc ma gêdêñ bêc tonañ salen kêdanğon lau taêsam kêlêlêc lau, tañ siñ gesen nan su.

⁹ Ma Absalom kêtap Dawidnê sakinwaga sa. Absalom gêngon nê donki naô ma donki tau jagêboan kêsô kamem kapôên nalaka nalêlôm gêja. Ma Absalom nê môkêlauñ gêjac kêsô nalaka ma en gacgen gen kalen ma donki tau, tañ Absalom gêngon naô nan, gêboan su gêc gêja. ¹⁰ Nac ten gêlic gêñ tau ma kêsôm gêdêñ Joab gebe “Ôlic acgom, aê galic Absalom gen kalen kamem nalaka.” ¹¹ Joab kêsôm gêdêñ nac, tañ kêsôm biñ tau nan gebe “Aôm gôlic en me. Kêtu asagenña gôjac en kêsêp nom gêmên atom. Aê oc jakên silber 10 êndên aôm ma ômbin kap ten êwiñ.” ¹² Mago nac tau kêsôm gêdêñ Joab gebe “Aê embe jatap silber 1,000 sa êsêp aê lemoc, mago oc jakên lemoc êpi kin latu atom. Gebe aêac anô kin gêjac binsu amagêc Abisai ma Itai gebe ‘Anğôm nac wakuc Absalom saic-saicgen atom êtu aêña.’ ¹³ Ma aê embe janğôm gêñ ten kelecgen êndên en katu oc êsiñ tau êndên kin atom ma aôm taôm oc ônam aê kêsî atom.” ¹⁴ Joab kêsôm gebe” Aê gabe jajain têm jawin aôm atom.” Go en kêkôc kê m têlêac jagêgun Absalom kêsô bôdagi gêdêñ tañ en mata jaligen gen kalen kamem nalaka nan. ¹⁵ Ma lau matac 10, tañ sêoc Joabnê laukasap nan, sêgi Absalom auc ma sêjac en êndu.

¹⁶ Go Joab gêjac dauc kêtan ma lau sinña, tañ sêjanda Israel nan, sêwi siñ ma sêmu sêmên gebe Joab kêkô êsêac auc. ¹⁷ Ma êsêac sêkôc Absalomnê nawnêlêlan ma sêbaliñ kêsêp sê kapôên ten anğa

saleŋ ma sêboa poc tonj kapôeŋ teŋ sa kêkô sê tau ŋaô. Ma lau Israel samob sêc sêja nêŋ andu gêdêŋ-gêdêŋgeŋ.

¹⁸ Gêdêŋ taŋ Absalom gêmoa mata jali naŋ, eŋ kêkôc alê poc teŋ jagêjac sa kêtû eŋ tauŋa kêkô kiŋnê gaboaŋ gebe eŋ kêsôm gebe “Aê latuc masi gebe lau taêŋ ênam aê.” Eŋ gê taunê ŋaê kêpi alê poc tonaj ma sêsam gêŋ tau gebe Absalomnê ŋabelo e gêdêŋ ocsalô tonec.

Sêsôm Absalom gêmac êndu ŋawae gêdêŋ Dawid

¹⁹ Go Sadok latu Ahimas kêsôm gêdêŋ Joab gebe “Ôkêŋ aê jalêti najakêŋ ŋawae êndêŋ kiŋ tau gebe Apômtau gêjam eŋ kêsî aŋga nê ŋacjo nêŋ ŋaclai.”

²⁰ Ma Joab kêsôm gêdêŋ eŋ gebe “Aôm ôkôc ŋawae ôna êndêŋ ocsalô tonec atom. Moae oc ôkôc ŋawae ôna êndêŋ bêc teŋ, mago galoc aôm ôna atom gebe kiŋ latu gêmac êndu.”

²¹ Go Joab kêsôm gêdêŋ nê sakiŋwaga ŋac Kusŋa gebe “Ôna ôkêŋ ŋawae êndêŋ kiŋ êtu gêŋ, taŋ gôlic naŋŋa.” Ŋac Kusŋa gewec gêdêŋ Joab ma kêlêti gêja.

²² Go Sadok latu Ahimas kêsôm gêdêŋ Joab kêtiam gebe “Gêŋwapac teŋ embe êtap aê sa, go êtap samaŋ. Mago ôkêŋ aê jalêti jandaŋguc ŋac Kusŋa jana.” Ma Joab gêjô eŋ awa gebe” Ŋoc latucenec, ôlêti êtu asagenŋa. Aôm oc ôtap ŋagêjô ŋajam teŋ sa êtu ôkêŋ ŋawaenja atom.”

²³ Eŋ kêsôm kêtiam gebe “Gêŋwapac teŋ embe êtap aê sa, go etap sa, mago gabe jalêti jana.” Tec Joab kêsôm gêdêŋ eŋ gebe “Ôlêtimaŋ.” Go Ahimas kêlêti kêdaguc intêna gaboanŋa jagêôc lêlêc ŋac Kusŋa su.

²⁴ Dawid jagêŋgôŋ tunbôm ŋasacgêdô. Ma dibwaga tau kêpi tunbôm jakêkô sacgêdô ŋasalôm ŋaô.

Enj gêôc mataanô sa e gêlic ñac tenj taugenj kêlêti gêmêj. ²⁵ Ma gêmôêc to kêsôm ñawae gêdêj kinj. Ma kinj kêsôm gebe “Embe enj taugenj oc moae kêkôc ñawae ñajam gêmêj.” Ñacjaenj tau kêlêti mênkêdabinj. ²⁶ Go dibwaga gêlic ñac tenj kêlêti gêmêj kêtiam. Tec enj gêmôêc binj gêdêj gejobwaga sacgêdôña gebe “Ôlic acgom, ñac tenj taugenj kêlêti gêmêj kêtiam.” Kinj kêsôm gebe “Enj kêkôc ñawae ñajam tenj amboac tonanjenj.” ²⁷ Ma dibwaga kêsôm gebe “Aê galic ñac, tê kêlêti kêtû ñamata nê, amboac Sadok latu Ahimas.” Ma kinj kêsôm gebe “Enj ñac ñajam ma oc kêkôc ñawae ñajam.”

²⁸ Go Ahimas gêmôêc gêdêj kinj gebe “Gêj samob ñajamgenj.” Go enj gewec gêdêj kinj lanjôanô gêdêj nom ma kêsôm gebe “Awenj êôc Apômtau, aômnmê Anôtô, tanj kêkêj lau, tê sêôc lemenj sa gêdêj ñoc ñatau kinj nê, sêsô aôm ñalabu nanj.” ²⁹ Ma kinj kêtû kênac gebe “Ñac wakuc Absalom gêmôa ñajam me masi.” Ahimas gêjô enj awa gebe “Gêdêj tanj nê laumata Joab kêsakinj nê sakinjwaga aê nanj, aê galic lau taêsam sêjac seso tauj, mago gajam kauc ñam.” ³⁰ Ma kinj kêsôm gebe “Mênjôkô tonec.” Amboac tonanj enj kêkac tau ôkwi ma kêkô ñanjenj.

³¹ Go ñac Kusña mênjgêô lasê ma kêsôm gebe “Ñawae ñajam kêtû ñoc ñatau kinjña. Ocsalô tonec Apômtau kakêj lau, tanj sêli tauj sa gêdêj aôm nanj, sêsô aôm ñalabu.” ³² Kinj tau kêsôm gêdêj ñac Kusña gebe “Ñac wakuc Absalom gêmôa ñajam me masi.” Ma ñac Kusña gêjô enj awa gebe “O ñoc ñatau kinj, aê gabe nê ñacjo samob to lau samob, tanj sêli tauj sa gêdêj aôm nanj, oc tatôm ñac wakuc tonanjenj.” ³³ Kinj tau atê gêmô enj ma kêpi balêm, tanj gêc malac

ņasacgêdô ñaô nan, gêja ma kêtañ gebe “O ñoc latuc Absalom, latucenec Absalom. Jamac jajô aômman. O ñoc latuc Absalom, ñoc gêñenec.”

19

Joab kêsôm Dawid

¹ Go sêkênj ñawae gêdênj Joab gebe “Ôlic acgom, kinj kêtañ tañiboa kêtú Absalomña.” ² Amboac tonañ gêdênj bêc tonañ binj sêku ñacjo tuluña tau gêjam tau ôkwi kêtú tañiboa gêdênj lau samob gebe lau sênô ñawae gebe kinj kêtañ tañiboa kêtú latuña. ³ Gêdênj bêc tonañ lau sinña sêsa malac sêmênj kelecgenj sêgôm amboac lau, tañ majenj kêtú têtaiñ tañ su anja sinña nan. ⁴ Kinj gêsañ lañôanô auc ma kêtañ toawa-toawa gebe “O latuc Absalom, o Absalom latucenec, o gêñenec.”

⁵ Go Joab kêsô andu gêdênj kinj gêja ma kêsôm gebe “Ocsalô tonec aôm gôgôm nêm sakinwaga samob, tañ sêjam aôm to nêm latômio to ñac ma nêm lauo to anenjo kêsí amoa matem jali nan, majenj kêsá. ⁶ Aôm têtmac gêwiñ êsêac, tañ têtmac sec gêdênj aôm nan, ma têtmac gedec êsêac, tañ têtmac gêwiñ aôm nan. Ocsalô tonec aôm gôwa taôm sa gebe gôlic lau sinsêlêc to nêm sakinwaga samob amboac gêñ ñaôma. Galoc aê kajala gebe Absalom embe êmoa mata jali ma aêac samob amac êndu, go ôlic ñajam. ⁷ Amboac tonañ galoc ôndi sa naôsôm binj ñajam teñ êndênj nêm sakinwaga. Embe masi, go aê jatôc lemoc jakô Apômtau lañônêm gebe êndênj êmbêc tonec ñac teñ oc êmoa êwiñ aôm atomanô. Binj tonañ oc êtu binj sec êlêlêc binj samob, tañ kêtap aôm sa gêdênj aôm ñapalêgenj e mênjgêdênj galoc nan

su.” ⁸ Go kiñ gêdi sa jagêngôn malac ñasacgêdô. Ma ñawae gêdên lau samob gebe “Alic acgom, kiñ gêngôn malac ñasacgêdô” ma lau samob sêsa dêdên eñ.

Dawid gêmu gêja Jerusalem

Gêdên ñasawa tonañ Israelnên lau samob sêc dêdên taunên andu gêdên-gêdêngeñ sêja. ⁹ Ma lau samob sêoc gêdô taun gêdên-gêdêngeñ kêtôm Israelnên gôlôacmôkêgeñ ma sêsôm gebe “Kiñ gêjam aêac kêsi anga aêacnên ñaço lemeñ ma gêjam aêac sa anga lau Pilisti lemeñ. Ma galoc eñ gêwi gamên siñ ma gêc gêja kêtû Absalomña. ¹⁰ Ma Absalom, tañ aêac taen oso eñ nañ, siñ gesen eñ su. Ma amboac ondoc amac ajam taôm tôn ma asôm biñ ten gebe akôc kiñ tau êmu êmênña atom.”

¹¹ Kiñ Dawid gênô lau Israel sêmasañ biñ kêtû enña ñawae, tec kêsakiñ biñ gêdên dabunwagaagêc Sadok agêc Abiatar gebe “Asôm êndên lau Juda nêñ laumata gebe ‘Amboac ondoc, tec amac amasañ biñ kêtû akôc kiñ êmu êwac nê anduña kêtû ñamu nec. ¹² Aênoc lasitêwai amac, ñoc ñatêkwa to ñoc ñamêsôm amac. Amboac ondoc tec abe akôc kiñ êmu êwac êtu ñamugeñ nec.’ ¹³ Ma asôm êndên Amasa gebe ‘Ñoc ñatêkwa to ñoc ñamêsôm aôm atom me. Aê embe jakên aôm ôtu ñoc siñwaga nêñ laumata ôjô Joab su atom oc Anôtô ensen aê su janaña.’” ¹⁴ Ma eñ gêjam lau Juda samob nêñ ñalêlôm ôkwi e têntac tageñ ma sêsakiñ biñ gêdên kiñ gebe “Aôm to nêm sakiñwaga samob amu amên.” ¹⁵ Amboac tonañ kiñ tau gêmu gêmên bu Jordan ma lau Juda sêpuc kiñ tôn-tôn sêmên Gilgal sebe sêkôc kiñ tau elom bu Jordan ñamakeñ êmên.

16 Ma ñac Benjaminña Gera latu Simei ança Bahurim kêsêp ñagaôgeñ gêmêñ gêwiñ lau Judaña gebe êpuc kiñ Dawid tòn-tôn amboac tonanğen. 17 Ma lau Benjaminña 1,000 sêwiñ eñ. Ma Saulnê gôlôacnêñ sakiñwaga Siba to latui 15 ma nê sakiñwaga 20 sêlêti sêsêp jasêo lasê bu Jordan sêmuñ kiñ. 18 Ma êsêac selom buselenğ tau sebe sêkôc kiñnê gôlôac sêmêñ ñamakenğ ma sebe sênğôm gên, tañ kiñ êlic êmoasiñ eñ nañ. Ma gêdênğ tañ kiñ gebe elom bu Jordan tau nañ, Gera latu Simei gêu tau gec eñ lañônêmña 19 ma kêsôm gêdênğ eñ gebe “O ñoc ñatau, taêm ênam biñ, tañ nêm sakiñwaga aê gagôm keso gêdênğ bêc, tañ gôwi Jerusalem siñ nañ, ma ôlic aê sec atom. O kiñ, ôê biñ tau tòn ênêc nêm ñalêlôm atom. 20 Nêm sakiñwaga aê kajala gebe gagôm keso. Mago galoc ôlic acgom, aê tec kasêp gamêñ katu Josepnê gôlôac nêñ ñac ñamataña gebe japuc ñoc ñatau kiñ aôm tòn-tôn.” 21 Go Seruia latu Abisai gêoc awa sa ma kêsôm gebe “Simei êmac êndu êtu kêpuc boa ñac, tañ Apômtau geñ oso eñ nañña atom me.” 22 Mago Dawid kêsôm gebe “Seruia latui amac, aêacnêñ asagenğ ñagêdô gêdênğ tañ, tec ocsalô tonec amac alêtôm aê. Ñac teñ oc êmac êndu ança Israel ocsalô tonec me. Aê kajala gebe katu kiñ Israelña gêdênğ ocsalô tonec.” 23 Ma kiñ kêtôc lêma ma kêsôm gêdênğ Simei gebe “Aôm oc ômac êndu atom.”

24 Ma Saul dêbu Mepiboset kêsêp gêmêñ gebe êndac kiñ tau. Eñ kêkwasiñ akaiñ to kêkapiñ nê êm ma kêkwasiñ nê ñakwê atomanô gêdênğ tañ kiñ gêwi gamêñ siñ nañ, e gêmu gêmêñ toôli samucgenğ kêtiam. 25 Gêdênğ tañ Mepiboset ança Jerusalem

mêngêô lasê gebe êndac kiñ nan, kiñ tau kêsôm gêdêñ enj gebe “Mepiboset, kêtú asagenña aôm gôwiñ aê gôja atom.” ²⁶ Enj gêjô enj awa gebe” O ñoc ñatau ma ñoc kiñ, aê ñac puliñ. Aê kasôm gêdêñ ñoc sakiñwaga gebe êmansañ donki tenj êtu aêña gebe janğôn ñaô ma jawiñ kiñ jana. Mago ñoc sakiñwaga kêsau aê. ²⁷ Enj kêgôliñ biñ kêpi nêñ sakiñwaga aê gêdêñ ñoc ñatau kiñ. Mago ñoc ñatau kiñ kêtôm Anôtônê añela. Amboac tonañ ôngôm gên, tanj aôm gôlic ñajam nan. ²⁸ Gebe ñoc ñatau kiñ gêlic tamocnê gôlôac samucgenj amboac lau gêbac jagêdêñ, mago aôm kôkêñ nêñ sakiñwaga aê ganğônj êsêac, tanj senj gênj anğa nêñ tebo nanj ñalêlôm. Aêñoc biñ ñajam ondoc gêc gebe jatenj êndêñ kiñ.” ²⁹ Ma kiñ kêsôm gêdêñ enj gebe “Ôsôm biñ taêsam êwiñ êtu asagenña. Aê kasôm biñ kêtú tônj gebe Amagêc Siba awa nomlênsêm êkôc.” ³⁰ Ma Mepiboset kêsôm gêdêñ kiñ gebe “Ñoc ñatau kiñ gêmu gêmêñ toôli samucgenj, tec Siba êkôc gênj taumanj.”

³¹ Ñac Gileadña Basilai kêsêp anğa Rogelim gêmêñ ma kêsêlêñ gawiñ kiñ e jasêô lasê bu Jordan gebe êkêñ enj elom êna ñamakenj. ³² Basilai kêtú ñamalacanô su, ênê jala kêtú 80. Enj gêjam kiñ tau sa ña genj taniñña gêdêñ ñasawa, tanj enj gêmôa Mahanaim gebe enj ñac tolêlôm ñanô tenj. ³³ Ma kiñ kêsôm gedenj Basilai gebe “Ômôêñ ôngônj Jerusalem ôwiñ aê ma aê jamoasiñ aôm anğa tônê.” ³⁴ Mago Basilai kêsôm gedenj kiñ gebe “Aêñoc jala jamoa matoc jaliña tendocgenj gêc, tec jawiñ kiñ japi Jerusalem jana. ³⁵ Ocsalô tonec aêñoc jala kêtú 80. Aê katôm gebe jansaê ñajam to sec me. Aê katôm gebe jansaê gênj, tanj janiñ me janôm nanj

me. Aê katôm gebe janô lau awen sênam wêña me. Êtu asagenña nê m sakinwaga wacêtu gêñwapac ten êndên ñoc ñatau kin êwiñ. ³⁶ Nê m sakinwaga gebe êsêlên êwiñ kin dambêgen e êndên Jordan ñamaken. Kin êmoasin aê amboac tonan êtu asagenña. ³⁷ Aê jaten aôm gebe ôkên nê m sakinwaga êmu êna gebe jamac êndu anga taucñoc malacmôkê ma anga tamoc agêc tinoc nên sêo ñagala. Nê m sakinwaga Kimham tec gêmoa. Ôkên en êsêlên êwiñ ñoc ñatau kin tau ma ôngôm gêñ, tan gôlic ñajamgen nan, êndên en.” ³⁸ Ma kin gêjô en awa gebe “Kimham êwiñ aê êna ma aê oc janngôm gêñ, tan aôm ôlic ñajam nan, êndên en ma janngôm gêñ samob, tan aôm oten nan, amboac tonanjen.” ³⁹ Go lau samob selom bu Jordan ma kin gelom amboac tonanjen. Ma kin kêlêsoþ Basilai alianô ma gêjam mec en ma Basilai gêmu gêja taunê malac. ⁴⁰ Kin tau gêja Gilgal ma Kimham gêwiñ en. Ma lau Juda samob to lau Israel ñamaken amboac tonanjen sejon kin sêmoa intêna.

⁴¹ Go lau Israel samob dêdên kin sêja ma sêsôm gêdên en gebe “O kin, kêt u asagenña aêacnên lasitêwai Judan sêjam genjen aôm ma sêkôc aôm to nê m gôlôac ma nê m lau samob amên Jordan ñamaken tonecña.” ⁴² Lau Judan sêjô lau Israel awen gebe “Kin kêt u aêacma ñagêdô ten. Kêt u asagenña amac têmtac ñandan kêt u bin tonanña. Aêac aen kinên gêñ ten me. Me en kêkên gêñ ten ñaômagen gêdên aêac me.” ⁴³ Ma lau Israel sêjô lau Juda nên bin gebe “Aêac awê kain kin Dawid alêlêc amac su gebe aêac lau Israel ma gôlôacmôkê 10. Kêt u asagenña amac alic aêac sec. Aêac asôm bin gebe akôc aêacnên kin amu amênña kêt u ñamata

atom me.” Mago lau Juda awen njanja këlêlêc lau Israel nën su.

20:1–21:22 Dawid kêtap gêwawapac tokainj-tokainj sa. Lau Israel nãgêdô sêli tauj sa, nê wakuc sêlênsônj tauj, tôbôm kêsa ma nê nãcjo sêjac sinj gêdêj enj. Mago gêwawapac samob tonanj nãi kêku Dawid tulu atom.

22

Dawidnê wê danjêja

¹ Dawid gêga wê tonec gêdêj Apômtau, gêdêj bêc, tanj Apômtau gêjam enj sa anja nê nãcjo samob lemenj to anja Saul lêma nanj. ² Enj kêsôm gebe “Apômtau kêtuj nãc lamuanô to nãc tunjêna ma nãc gêjam-sawaga.

³ Aênãc Anôtô kêtuj nãc lôm, tanj gaê lamu nanj. Enj kêtuj nãc lautuc ma nãc moasinj nãbulakôp. Enj kêtuj nãc lêmôp to nãc lômlabu ma nãc kêsiwaga, tanj gêjam aê sa anja gêj saic-saic nanj.

⁴ Aê aoc gêjac Apômtau, tanj talanem enj nanj, ma enj gêjam aê kêsi anja nãc nãcjonêj.

⁵ “Gebe gêmacanô nãdembom gênôm aê auc to gêj gebe enenj aêja nãsamac kêtakê aê.

⁶ Lamboam nãlêpoa gêsô aê tôj gêmacanô gêwa lakô aê.

⁷ Gamoã e katuc unj tãgenj ma aoc gêjac Apômtau ma gamôêc gêdêj nãc Anôtô gebe ênam aê sa. Enj gêngônj nê gamêj dabunj ma gêjô nãc môêc ma gê tanja aênãc tanjiboa, tanj katanj gêdêj enj nanj.

⁸ “Go nom wiwic to kôtêj-kôtêjenj, undambê nãtaonj kêtênêp e kôjô-kôjôgenj

gebe en têtac nandan kêsa nanô.

⁹ Jadaun kêsa en lususun to ja nawawô kêsa en awasun

ma nalana namôsi kêpêlan anga ênê kêsa gêja-gêja.

¹⁰ En kêwê undambê sêlilib kêsêp gêmên.

Tao namajan gêc en akain nalabu.

¹¹ En gêlôb gêngôn kerub naô.

En gêngôn mu namagê naô ma gêlôb wip tagen.

¹² En kêkên gêsunbôm kêtû nê becobo.

Kom namajan to tao tokatap-tokatap kêkôm en auc.

¹³⁻¹⁴ Nalana namôsi kêpêlan kêsa

annga nawasi, tan gêmun en nan.

“Apômtau kêkên nê wapap gêjac annga undambê.

Ma Lôlôc Natau kêkên nê awa kêsa.

¹⁵ En kêpê nê sôb ma kêpalip nê nacjo êlin-êlin.

Ôsic kêtakê êsêac sêc gôlin-gôlingen.

¹⁶ Gwêc nagêdimbob gêôc tau sa kêtû awê

ma nom nataon kêwaka tau sa.

Gebe Apômtau gêjam wamban

ma nawajaô kêsa en lususun.

¹⁷ “En kêmetôc lêma annga lôlôc mênkêkam aê tôn
ma gê aê sa annga nasamac kapôên nalêlôm.

¹⁸ En kêjanngo aê su annga noc nacjo nacjai nê
to annga noc gobi, tan nê nacjai kêkôm aê auc nan
nên.

¹⁹ Êsêac sebo sêsa dêdên aê gêdên noc bêc nawapacna,
mago Apômtau kêpuc aê tôn.

²⁰ En kêkam aê sa jakakô gamên kwalam.

En kêsaic aê sa kasa gaja gebe en têtac gêwin aêgac.

²¹ “Apômtau kêmoasin aê kêtôm lanônêm sawana.

En gêjam aê sa kêtôm lemoc selecņa.

22 Gebe aê kasa Apômtaunê lêņ ɲapep
ma kakac tauc su aņga ɲoc Anôtônê ɲaucɲagen
atom.

23 Ênê biņgêdêņ samob kêkô aê laņôcnêm
ma gajam dêmôêc ênê biņsu atom.

24 Aê kasa ɲoc lêņ ɲapep e eņ gêlic aê ɲajam.
Ma gajob tauc ɲapep gêdêņ gêņ sec.

25 Amboac tonañ Apômtau kêmoasiņ aê kêtu gamoa
ɲaņêņņa,
kêtu ɲoc ɲalêlôm selec gamoa eņ laņônêmņa.

26 “Aôm gôwa taôm sa gêdêņ ɲac ɲajam gebe aôm ɲac
gabêjam,
gêdêņ ɲac laņônêm sawaņa gebe aôm taôm ɲac
laņônêm sawa.

27 Aôm gôwa taôm sa gadêņ ɲac mansaņ gebe aôm
taôm mansaņ
mago gêdêņ keso-keso, tec kôtôc taôm amboac kair
teņ.

28 Aôm gôjam lau, taņ sêkôniņ taun ɲaņ sa
ma kôkôniņ lau, taņ tetoc taun sa ɲaņ.

29 Biņņaņô, o Apômtau, aôm kôtu ɲoc ja.
ɲoc Anôtô kêpô ɲoc ɲakesec ɲawê kêsa.

30 Biņņaņô, aôm embe ôwiņ aê oc janac lausiņ
popoc
ma ɲoc Anôtô embe êwiņ aê oc jamboañ jaņgêli nêņ
tuņbôm.

31 Anôtô tonañ tec gêjam gôliņ gêņ samob toma-
lagen.

Biņ taņ Apômtau gêjac mata ɲaņ, kêtu anô.
Eņ kêtu lau samob, taņ sê lamu eņ ɲaņ, nêņ lautuc.

32 “Apômtau taugen en Anôtô.

Ma aêacnêñ Anôtô taugen en lamu ñanô.

33 Anôtô tau tonañ kêtú ñoc lamu ñajaña tau
to kêmasañ ñoc intêna gebe jasa toôlic samucgen.

34 En gêgôm ñoc ockaiñ kêtôm mojava nê.

En ketoc aê kakô lôc ñamoatêc ñaô toôlic samucgen.

35 En kêdôñ lemoc siñña
tec lemoc jakêkam talam ñamadi.

36 Aôm kôkêñ lautuc ênam aê kêsiña.

Aômnêm moasiñ ketoc aê sa.

37 Aôm kômasañ intêna ñasawa kapôêñ gebe jasa
ma japô ocgêsu ôkwi atom.

38 Aê kajanda ñoc ñacjo e gasen êsêac su
ma kakac tauc ôkwi atom e êsêac sêjaña.

39 Aê gajac êsêac piñpañ ma sebe sêndi e sêgôm
jageo.

Ac sêc ockaiñ ñalabu.

40 Aôm kôjandiñ aê ña ñaclai gebe janac siñ ñanô.

Aôm kôkôniñ ñoc ñacjo sêmoa aê ñalabu.

41 Aôm kôpuc ñoc ñacjo sa tec sêc aê
e gasen êsêac samob, tañ têtac sec gêdêñ aê nan su.

42 Êsêac sesom nêñ gêjam sa ten, mago ten gajam sa
atom.

Êsêac sêmôêc gêdêñ Apômtau, mago en gêjô êsêac
awen atom.

43 Aê kalêsa êsêac e têtôm nom ñakekop.

Aê kaka êsêac tôñ kêtôm kaka lêsap anga intêna.

44 “Aôm gôjam aê sa anga siñ tomôkê-tomôkê e
kôkêñ aê katu lausamucnêñ gôliñwaga.

Lau tañ kajala êsêac atom nan, sêjam sakin aê.

45 Lau jaba sewec dêdêñ aê.

Aê embe jakac aocsuŋ sa jamoa ma oc taŋeŋ wamu êndêŋ aê.

46 Lau jaba latuŋi katuŋ gêjaŋa ma sêsuŋ tauŋ têtênêp-têtênêpgeŋ sêsa aŋga nêŋ tuŋbôm sêmêŋ.

47 “Apômtau gêmoa mata jali. Aê aoc êôc ŋoc lamu. Aê jatoc ŋoc ŋacmoasiŋ Anôtô sa.

48 Anôtô tau tec kêpuc aê tôŋ e kakac ŋoc kamocgôc. Eŋ kêkônîŋ malac-malac tôŋ sêsô aê ŋalabu.

49 Ma eŋ gêjam aê kêsi gêdêŋ ŋoc ŋacjo. Aôm kotoc aê sa kêlêlêc ŋoc soŋo-soŋo, ma gôjam aê sa aŋga lau ŋaclai nêŋ.

50 “O Apômtau, kêtû tonanŋa aê gabe jalambiŋ aôm jamoa lausamuc ŋalêlôm ma janam wê lanemŋa êpi nêŋ ŋaê.

51 Aôm tonan kotoc nêŋ kiŋ sa ŋanô ma kôtoc nêŋ têtac gêwiŋ teŋgeŋŋa gêdêŋ ŋac, taŋ seŋ oso eŋ nan, gêdêŋ Dawid to nê wakuc gedêŋ tôŋgeŋ.”

23

Dawidnê awamu

1 Biŋ tonêc kêtû Dawidnê awamu “Isai latu Dawid kêsôm biŋ.

Ŋac taŋ tetoc eŋ sa nan, kêsôm biŋ. Jakobnê Anôtô nê ŋac seŋ oso eŋŋa.

Ŋac gêga Israelnê wê ŋajamwaga.

2 “Apômtaunê Ŋalau kêsôm biŋ kêsa aê aoc, ma ênê biŋ gêc aê imbeloc.

3 Israelnêŋ Anôtô kêsôm biŋ.

Israelnêŋ lamu kêsôm biŋ gêdêŋ aê.

Nac tañ kêtêc Anôtô
 ma gêjam gôliñ ñamalac ñañêngen nañ,
 4 kêpô êsêac kêtôm ñawê bêbêcgenña,
 kêtôm oc, tañ kêpi tonagêlôm masi nañ, ma gêgôm
 gêgwan, tañ kom gêjac nañ kêpuc.

5 Aênoc gôlôac sêmoa sêwiñ Anôtô
 gebe eñ kêmoatiñ poac tengeñña tenj gêwiñ aê ma
 kêmasañ gêñ samob ñapep ma ênêc tengeñ,
 gebe eñ oc êkêñ aê gebe jamoa ñajam
 ma gêñ tañ ñoc ñalêlôm têtac gêwiñ nañ, eñ êngôm
 esewec.

6 Mago lau, tañ sêmoa jaêc Anôtô nañ, têtôm gêñ
 têkwa-têkwa,
 tañ tambaliñ siñ nañ, gebe tatôm gebe takôc ña
 lemeñ atom.

7 Mago ñac tañ gebe ejoñ gêñ tau sa nañ,
 êkôc siñ to kêm ñadambê ma ja êniñ gêñ tau êmbacnê
 samucgen.”

23:8–24:25 Dawidnê siñsêlêc lanğwa towae nêñ
 ñaê kêsêp ñasêbu tonec. Dawid kêsa nê lau sa, mago
 Anôtô gêlic ñajam atom, tec kêkêñ gêmac sec kêtap
 lau Israel sa. Kêtu ñamu Anôtô taê walô nê lau
 kêtiam ma kêkôc gêmac sec tau su.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb